



सानसेयारि बड'सा

सानसेयारि "बड'सा" खीरालाइयाव अमाज्यादि जिउजो लोब्बा थावाय रायथाय, खन्थाय, अल', अल'बाथा आरो हावबायारि थावनि, पार्क बाइदिनि सायाव लिउनाय लिउदिबाँ दैथाय ठर/ सानसेयारि "बड'सा" खीरालाइया अवेब्रानावै फोसावगोन।

बड'सायाव लिउठरनायनि हुवा खालाम्, "बड'सा" खी नोथो, जो बयबो अंगो खालाम्।

सानसेयारि बड'सा मावखुलि
माइब नोगोर, जोहोलाव देमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Friday ★ 22 December, 2023 Kokrajhar, BTC, Assam ★ Vol.- 33, Issue No. 266 ★ R.N.I.Regd.No.40994/91, Assam Govt. Regd.No.IPRD.40/2006/3, ★ Rs.8/-

तामुलपुरनि भारत-भुटान सिमानायाव खासि-बिसि बुथारनाय जाथाय सोमजिदों

तामुलपुर, 21 डिसेम्बर: तामुलपुर जिल्लानि भारत-भुटान सिमाना 2 नं कालिपुरआव खासि-बिसि बुथारनाय जाथाय सोमजिदों। बे जाथायाव सुज्य गवाला (36) मुनि सासे सुबुनि जिउ गोमायो। सुलुडा मिथिहोनाय बादिबा, जाथायाव जिउ गोमानाय सुज्य गवालाया गावनि बिसिजों नख 'रारि जेनाखौ लानानै नाञ्जलाय-खमलाय सोलिबाय थारदोंमोन। जोबथारनायाव नाञ्जलाय-खमलायनाय जाथायाव बुलाय-सोलायाव सोलाय लाडो। नख 'रारि जेनाय नाञ्जलाय-खमलायखौ लानानै मैया गवालानि बिबोनांआ गवालाखौ बुयै-बुयै खासि-बिसिजों बुथारो। नख 'रनि नाञ्जलाय- (□ 5 बिलाइआव)

कामरुप जिल्लानि रामपुरआव जौगाखां भारत संकल्प यात्रानि हाबाफारि राइज्यो सरकारा फैगौ दानाव 10 लाख सुबुंफोरनो गोदानै रेसन कार्ड गथायगोन: गिबि मन्थि

दिसपुर, 21 डिसेम्बर: गिबि मन्थि उ हिमन्त बिश्व शर्माआ दिने कामरुप जिल्लानि रामपुर जौगाखां खोन्दोनि सिडाव थानाय उपरहालि गामि पन्थायतनि आरखि गोजोसिन गेजेरारि फरायसालिनि गोलोग्रा फोथाराव जौगाखां भारत संकल्प यात्राजों लोब्बा लाखिनानै खुनाय हाबाफारिवाव बाहागो लायो। बेनि लोब्बायै गिबि मन्थिआ बुडेदि, थानाय 15 नभेम्बरखालि ट्राइबेल गोग्गाखां साननि लोब्बायै गाहाइ मन्थि नरेन्द्र मदिआ जौगाखां भारत संकल्प यात्राखौ जागायजेन्दोंमोन। सरकारि



बिथांखिफोरनि खाबुखौ 100 सौखोन्दो मुलाम्फायारिफोरनो सम बादियै होनाय आरो जाय हारोंथाय सुबुंफोरा दासिमबो सरकारि बिथांखिनि खाबुनिफ्राय (□ 5 बिलाइआव)

राइज्यो बेंगिरि कातारियाआ बारग' गिबि मन्थि प्रफुल्ल कुमार महन्तखौ लोगो हमहैदों

गुवाहाटी, 21 डिसेम्बर : आसामनि राइज्यो बेंगिरि गुलाब चान्द कटारियाआ दिने बारग' गिबि मन्थि प्रफुल्ल कुमार महन्तखौ दिसपुराव थानाय न'आव लोगो हमहैदों आरो बिथांनो जोनोम साननि हामब्लायथि जासिहैयो। मख 'नो गोनांदि आसामनि मोननै सम आसामनि गिबि मन्थि जानाय महन्त बिथाड 23 डिसेम्बरवाव गावनि जोनोम सानखौ फालिगोन। राइज्यो बेंगिरि कटारियाआ बिथांनि जोनोम साननि हामब्लायथि बाउनानै बिथांनि गोलाव जिउ आरो मोजां सावस्त्रिनि थाखाय इसोरनाव आर 'ज गाबो। बेनि अनगायैबो, राइज्यो बेंगिरिया बारग' गिबि मन्थिनि थागा खुलियाव थानाय समाव गुबुन गुबुन बिथिंफोरनि



सायाव महन्त बिथांजों एबा राइज्यो बेंगिरिनि बिसि सावरायज्जालो। लोगो हमहैनाय श्रिमीती अनिता कटारियाआबो समाव आसामनि गिबि आइजो दफायोमोन।

दुलाराय आसाम जिल्ला खुंथाय मावसुमा आफादनि तामुलपुर जिल्लायावो सोमावसारनाय हाबाफारि खुंदों

तामुलपुर, 21 डिसेम्बर: तामुलपुर सदराव थानाय जिल्ला बेंगिरि मावखुलि लांगोनायाव दिने साननि 10:00 रिगासिम साजौफुनि 12:00 रिगासिम जिल्ला बेंगिरि मावखुलिनि मावसुमाफोरनो आलादा दान-बान्था (□ 5 बिलाइआव)

दै बाना होबथानो कक्राझाराव मास्टरप्लान लानाय जागोन: एम एल ए लरेन्स इस्लारि

कक्राझार नोगोर आफादआ मुलाम्फायारिफोरनो दै फिल्टर आरो टिरफाल गथायदों

कक्राझार, 21 डिसेम्बर: बिटिआरनि सदर कक्राझार सहरनि दर 10 वाड'याव रांखान्थिआव लोखों निखावनि मुलाम्फायारि नख 'रफोरनि गेजेराव दिने कक्राझार नोगोर आफादआ लोंग्रा दैनि फिल्टर आरो टिरफाल (प्लास्टिक) गथायनानै होयो। बेखौ लोब्बा लानानै कक्राझार नोगोर आफादनि मावखुलियाव दिने



खुनाय मोनसे गथायनाय हाबाफारि खुनाय निखावनि मुलाम्फायारि आइजोफोरनो गंफायै गोग्गो लोंग्रा दैनि फिल्टर आरो गांफायै टिरफालखौ जायगानि एमएलए लरेन्स इस्लारिआ गथायनानै होयो। इस्लारिआ निखावनि मुलाम्फायारिफोरनि थाखाय कक्राझार नोगोर आफादआ (□ 5 बिलाइआव)

कक्राझार जिल्ला बिसायख 'थि बिबानगिरिनि खौरांगिरि मेल 8 जानुवारीनि सिगां मुं थिसन्नाय, मुं दानख 'नाय आरो सोदांनायनि थाखाय आर 'ज हांखायदों

कक्राझार, 21 डिसेम्बर: बिफान बिबाय दाफामफिन्यायनि उनाव मोनसे गोग्गो भटार फारिलाइ फोसावनो बिसायख 'थि आयगाआ सांभ्रांथि हाबाफारि आजावदों। भटार फारिलाइयाव गोदान मुं थिसन्नाय, मुं दानख 'नाय आरो सोदांनायनि थाखाय फैगौ 8 जानुवारीनि सिगां थिखानाय फोरमान बिलाइनि गेजेरजों



आर 'ज थिसनो हागोन होनानै दिने मोनसे खौरांगिरि मेलयाव फोसावना होदों कक्राझार जिल्ला बिसायख 'थि बिबानगिरि प्रदिप कु मार द्विबेदिआ। दिने कक्राझार जिल्ला बेंगिरि मावखुलिनि मेल जथुमसालियाव खुंजानाय मोनसे खौरांगिरि मेलयाव जिल्ला बिसायख 'थि बिबानगिरि प्रदिप कु मार द्विबेदिआ बुंदोंदि, भटार (□ 5 बिलाइआव)

गिरुवापारानि बरग' लोगो इन्जिनियार सतिश दासआ रुंसारि जाबाय

भबानिपुर, 21 डिसेम्बर: सरुपेयानि साखाथियाव थानाय गेरुवापारा गामिनि थागिरि आजिरा मोन्नाय लोगो इन्जिनियार आरो गामि समाज सिबियारि सतिश दास (69) आ दिने फुनि 5:30 रिगायाव गुवाहाटीनि नारायणा सुपार स्पेसियेलिटी फाहामसालियाव जोबथा हां बोयो। सतिश दासआ थानाय माखासे सान नाडै देहायारि गोब्राव बेरामजों सन्देजानानै गुवाहाटीनि नारायणा सुपार स्पेसियेलिटी फाहामसालियाव (□ 5 बिलाइआव)

रयेल ग्लबेल मुलुगसोलोंसालिनि एकाडेमिक ब्लक बेखेवदों फरायसाफोरा गावसोरनि सिमां आरो सान्नाय-हनायफोरखौ सुफुंनायाव गोसो होनांगौ: ड० हिमन्त बिश्व शर्मा

दिसपुर, 21 डिसेम्बर: आसामनि गिबि मन्थि उ हिमन्त बिश्व शर्माआ दिने गुवाहाटीनि बेटकुसियाव थानाय रयेल ग्लबेल मुलुगसोलोंसालियाव खुंनाय मोनसे हाबाफारियाव मुलुगसोलोंसालिनि जि.एड्स. आरो आइ एकाडेमिक ब्लकखौ गोथारै बेखेवना होयो। मख 'नो गोनांदि, गोदान मुगानि खाबुफोर थानायजों जर 'खा बे एकाडेमिक ब्लकखौ 8 दाननि गेजेरावनो आबुं खालामनाय जादों। गिबि मन्थिआ बे दावबायनाय समाव



सोलोंथायारि थासारिखौ जौगाखां होनायनि बिथिडव जर 'खा गोनांथि होनानै सोर्जिनाय 4 थि थाखोखौबो नायसंफेदों। हाबाफारियाव बाहागो लानानै गिबि मन्थिआ बे गोदान एकाडेमिक ब्लक लुनायनि थाखाय रयेल ग्लबेल मुलुगसोलोंसालि बिफानखौ साबायख 'र बाउयो। बिथाड बुंदोंदि, बे गोदान मुगानि (□ 5 बिलाइआव)

एकाडेमिक ब्लक आ फरायसाफोरनि सोलोंथायारि सान्नाय-मिजिथिनायफोरखौ सुफुंनायाव हेफाजाब गोनां जागोन। बिथाडा लोगोसे बुंदोंदि, बे सोलोंथायारि भवनाव थानाय खाबुफोर फरायसाफोरनि गोसो-मेलेमखौ जौगाखां (□ 5 बिलाइआव)

जिल्ला आबाद बिफाना आबादरिफोरनि गेजेराव दैज्लां बोथोरनि जौगा माननि मैगं-थाइगनि बेगर रान्दों

कक्राझार, 21 डिसेम्बर: माहारियारि आबाद जौगाखां बिथांखि 2023-24 बादियै दिने कक्राझार जिल्ला आबाद बिफाननिफ्राय आबादरिफोरनि गेजेराव दैज्लां बोथोरनि जौगा थाखोनि मैगं-थाइगनि बेगर रान्दानै होयो। बे बेगर रान्नाय हाबाफारियाव बिटिसिनि आबाद (□ 5 बिलाइआव)



दुलाराइ आसाम जिल्ला खुंथाय मावफारिया आफादनि खावलायनायाव कक्राझारआवबो सोमावसारदों

कक्राझार, 21 डिसेम्बर: ग्रेड पे बांहीनाय, गोदान पेन्सन खांन्थिखौ बोखारनानै गोजाम पेन्सन खांन्थिखौ मावफुंनायजों लोगोसे मोन 14 दाबिखौ लानानै दिने बिटिसिनि सदर कक्राझार जिल्ला बेंगिरि मावखुलिनि मावफारियाफोरा सोमावसारनाय हाबाफारि खुडे। मख 'नो गोनांदि, राइज्योजों लोगोसे कक्राझार (□ 5 बिलाइआव)


इउ पि पिएलनि हेंथायै खामानिनि सोलायै कमिसन लानायनि अजद दैखांदों बि पि एफआ



सालबारि, 21 डिसेम्बर: फैगौ लकसभा बिसायख 'थिखौ लानानै राजखान्थि दोलोफोरनि गेजेराव साखा-फारा खालामनाया बांबोनाय समनि गेजेरावनो बिटिआरआव इउपिपिएल आरो बिपिएफ दोलोनि गेजेराव राजखान्थिनि हाबु सारलायनाया जागायजेन्दों। बाक्सा जिल्लानि सालबारि बिटिसि बिबायव इउपिपिएल दोलोनि मिरुनि आरो जिल्ला थाखोनि स 64 दैदेनगिरिफोय बिपिएफ दोलोयाव जगदान खालामनायनि उनाव (□ 5 बिलाइआव)

आरोबाव खनसे करनानि गोदान जे एन.1 भेरिएन्टआ बे समाव गोखैयै गोसारदों

गोदान दिल्ली, 21 डिसेम्बर : करना भाइरसनि मोन्थाम दोहौजों मुलुगनाडै सुबुंफोरा बावैसो सम सिगां बारग'नो हादोंमोन। नाथाय आधिखालाव आरोबाव खनसे करनानि गोदान साब भेरिएन्टआ गिखंथाव थासारि सोमजिहोनो जागायबाय। करनानि गोजोन जेएन.1 भेरिएन्टआ गासै 41 हादतफोरव गोसारखांबाय आरो आधिखालाव भारतनि माखासे



राइज्योफोरावबो बेनि केसआ सोराडाव फैदों। हादतआव करनानि गासै 2003 नि बांसिनि एक्टिभ केस दड। बेवहाय जेएन.1 भेरिएन्ट 21 केस करनानि गोदान भेरिएन्ट जेएन.1 आ केरेलायाव

बयनिखुइ बांसिनि गोहोम खोखैदों। केरेलायाव थानाय 24 घन्टायाव 292 केसा सोराडाव सफेदों। बेजों लोगोसे दिल्लीयावबो करनानि मोनब्रै केसआ सोराडाव फैखांबाय। बे थासारिखौनो नोजोर होनानै मिरुआरि सावस्त्रि मावख 'आव हाइ लभेलनि जथुमा जागोन। जेराव करनानि हेंथायै एक्सन लानायनि थांखिफोरखौ थियारि (□ 5 बिलाइआव)

भारतयारि फुटबल हान्जायाव सायख 'जानाय भुमिका चत्रधरखौ बाक्सा जिल्ला खुंथाया मान बाउदों



भबानिपुर, 21 डिसेम्बर: भारतयारि फुटबल हान्जायाव 2023-24 नि थाखाय 19 बोसोरनि आइजो दालाइयाव

पातेहमाबाद साहा बागाननि हिन्जावसा भुमिका चुत्रधरखौ दिने पातेहमाबाद साहा बागानाव थानाय थाखुलियाव बाक्सा जिल्ला खुंथायनिफ्राय बराय मान बाउनाय जायो। दिने बाक्सा जिल्ला बेंगिरि कुष्णा बरुवा, सालबारि महकुमानि महकुमा बेंगिरि निलतपल पाठक, सालबारि महकुमानि पुलिस बिबानगिरि महकुमानि निलतपल (□ 5 बिलाइआव)

सुजुगिरिनि खोलोम

बिसायख थिनि
बिजाथि

बोसोर गोजामा बाराग 'लानो गेजेराव माखासेल' सानदंवावसे। बेनि उनावनो सौफैगोन गोदान बोसोर। गोदान बोसोर फैनारनि उनावनो सुबुं आफादनि बिसायख थिनि खुनायनि लाहार-फाहार जानायनिबो मिर्जि दं। नोजेराव गोमलैनाय बादियै फैगो सुबुं आफादनि बिसायख थिनि लानानै खुथाय दोलोनफ्राय लानानै बेरेखा राजखान्थि दोलोसिम बिसायख थिनि थाखाय साखा-फारा जानायखौं नुनो मोन्नाय जादों। आथिकालनि खुथाय गोहोयाव थानाय हान्जाया जेसेबां सांग्रा आरो साखा-फारा जादों बेबादिनो बेरेखा दोलोफोरनि साखा-फारा जानायखौं जे नुनो मोन्नाय जादों। बाइजोयाव जेरै खुथाय हान्जा आरो बेरेखा हान्जानि गेजेराव बाध्रा दान्थे-बिदान्थे जालायनाय नुनो मोन्नाय जायो, बेबादिनो गोजां बोथोरनि पालियामेन्ट जथुमनि समावबो मोन्ने हान्जानि गेजेराव जाथाय-बिजाथाय, बिल आरि आरो गोबां आयदा फारिफोरखौं लानानै दान्थे-बिदान्थे जानाय, दावराव-दावसि खालामनाय, सदनफ्राय होखारनाय, सोद्रोमा मासि बोखार बादि जाथायफोर सोलिफु जथुमाव जानाय नुनो मोन्नाय जादों।

फैगो सुबुं आफाद बिसायख थिनि थियारि जानायनि थांखियै खुथाय हान्जा आरो बेरेखा हान्जानि गेजेराव फोथारनिफ्राय लानानै पालियामेन्ट जथुमसिम मोनसेया गुबुन मोनसेखौं बाध्रानि बानजों गग्लोबनानै लोबां खालामनानै भतर रइजो-रजाफोरनि अन्सायनाय मोन्ने नाजानायखौं नुनो मोन्नाय जायो। दासान्दि बेरेखा हान्जा इन्डियानि जथुमफोरवा गहाइ मन्थि मासिखौं लानानै सावरायनाय खौरं बिजोंफोरवा नुनो मोन्नाय जायो। गोबां दोलोजों दाजानाय बेरेखा हान्जा इन्डियाआव गहाइ मन्थिनि मासिखौं लानानै गोरोबलायै सौफैनाय खौरंनि गेजेरावनो बे मान गोनां मासिनि थाखाय कंग्रेस आफादगिरि मल्लिकार्जुन खड्गेखौं सायख 'नायनिबो खौरं ओंखारनाय नुनो मोन्नाय जादों। बेराफासं माखासे दैदेनगिरिफोरा बेरेखा हान्जाखौं दैदेनो बिबान मोनैनि गोजान जानानै थानायनिबो खौरं मोन्नाय जायो। कंग्रेसनिफ्राय गोजान जालानाय सोनाब बंगनि गिबि मन्थिया खड्गेखौं इन्डिया जुथाइ हान्जानि गहाइ मन्थि बिजाथि फसनाय आरो बे थांखिखौं मदत खालामनाय दिल्लीनि गिबि मन्थिखौं कंग्रेसजों जायखि-जाया थांखियाव गोरोबनो हायै होन्नायै मिबथिनो मोन्नाय जायो। इसिडारि बिथायाव गहाइ मन्थि मासिखौं लानानै बेनो जोबथा थांखि जायाबो जानो हागौ। नाथाय कंग्रेसी दैदेनगिरिफोरा बेरेखा हान्जानि गुबुन गुबुन दोलोनि दैदेनगिरिफोरनि थांखिजों गोरोबफानो हायो ना हाया बेबो सान्नो गोनां जानानै फेदों। गोरोबनो हानायनि सायावनो सोनारगोन बेरेखा हान्जा इन्डियानि गोखों जानानै थानाय आरो गोखों बेरेखा हान्जा महैरै फैगो सुबुं आफाद बिसायख थियाव खौंसेयै बादायनायनि लामाया।

दिनैनि फान्जामुथि

राशि बाइदियै मुनि गिबि हांखो

मेघ : अ ल बुध : ऊ ब (उ ए इ) मिथुन : क छ (ड घ)
कर्कट : ड ह सिंह : म ट कन्या : प ट (ण ष)
तुला : त र वृश्चिक : ब न धनु : ध भ (ङ फ)
मकर : ख ज कुम्भ : ग श (स) मीन : द च (ख ज झ)

मेघ: जेबो जेना गैयै सुखुयै थानो हागोन। नख र संसार जौगानायखौं मोन्ने हागोन।

बुध: जेखियानो जाया फालागिआव रनि मुलाम्फा मोन्ने हागोन। दिनैनि सानआ गहाम सान।

मिथुन: जेखि जाया खामनि मावनायजों मुखुब जानानै थानांगोन। गोसोखौं हमथा।

कर्कट: जेखि मावा मानो मुलाम्फा मोन्ने हागोन। मोजां सम।

सिंह: जेनाफोरा सुखांजानायखौं मोन्ने हागोन। गोसोखौं गोजोन मोनगोन। मोजां सान।

कन्या: मानिबा थाखाय गोसोखौं शान्ति गैयै मोनगोन। गोसो हमथानानै सोलिनांगोन।

तुला: बयजोंबो अनलायनाया बांगोन। मोजां मोन्नाय दड'बा लोगो हमनो हागोन। मोजां सम।

वृश्चिक: मानिबा देरहासार जालानो हानायनि थाखाय मान मोन्ने हागौ। गोजोन्नाय मोनगोन।

धनु: नख र संसार जानायवा दावराव-दावसिफोर जानो हागौ। जेखि जाया गोसोखौं हमथा।

मकर: फालागिरि मावग्रानि थाखाय गहाम सान। मुलाम्फा आरजिनो हागोन।

कुम्भ: गोसोआव बायदिसिना सानखानानै गिनाय सोमजिखानो हागौ। गोसोखौं लोरबां लानो नाड।

मीन: मानिबा थाखाय गोसोखौं शान्ति गैयै मोन्ने हागौ। जेरावबो धैच्य गैयै जागोन। गोसोखौं हमथा।

संसदनि रैखाथियाव गोरोन्थि मावनाय जाथायनि
दायनिगिरि मनरन्जननि लोगो साइखौं ग्रेप्टार खालामबाय

गोदान दिल्ली, 21 डिसेम्बर : संसदनि रैखाथियाव गोरोन्थिनि केसआव दायनिगिरि मनरन्जननि लोगो साइखौं पुलिसआ सोंथि सोंदों। बेजों लोगोसेनो बे केसनि नंगुबै बाध्राया आरोबाव खनसे इउपिजों सोमोन्दो थादों। दिल्ली पुलिसआ इउपिनि जालौननिफ्राय सासे दायनिगिरिखौं ग्रेप्टार खालामनानै दिल्लीयाव लाबोदों। मख 'नो गोनांदि, सागर शर्माया लक्ष्मैनि थागिबिमोन। बेनिखायनो लक्ष्मै आरो खाथि-खालानि माखासे जिल्लाफोरवा नायबिजिरनायनि उनाव आरोबाव खनसे पुलिसआ इउपिनि जालौन जिल्लायाव



सौहैदों मोन। संसद गालोबनायनि जर'खा बाध्राया आथिखालाव जालौनजों सोमोन्दो थादों। बे बिथिडव पुलिसआ अतुल कुलश्रेष्ठ मुनि

सुबुंखौं जिम्मायाव लादों। अतुलआ दिल्लीयाव फेबाय। बिबो भगतसिंह फेन्स क्लाबजों सोमोन्दो दड। अतुलनि गुबुन दायनिगिरिफोरनि सायाव

जिम्मायाव लायो आरो दिल्लीयाव लाबोयो। मख 'नो गोनांदि, जालौननि उरइ कतवालि ओन्सोलनि महल्ला रामनगरनि बे केसआ। मनरन्जननि लोगो साइआबो पुलिसनि ग्रेप्टारआव दड। बेबायदिनो बे केसआव दासिमाव सा 8 दायनिगिरिफोरखौं ग्रेप्टार खालामखांबाय। पुलिस सुतुनिफ्राय मोन्नाय खौरंनि बायदिल्ला संसदनि रैखाथियाव गोनांथि जानाय केसनि दायनिगिरि निलम आरो मनरन्जनआ डि पलिटिक्सआव फेनो हास्थायदोंमोन। बेनिखायनो बिसोरो मिडियानि हेफाजाव लानानै खौरडव थानो

नाजादोंमोन। जाहाथे बिसोरनि मुख सोरडव फेयो आरो मोनसे सिनायथिखौं मोन्ने हायो। दिल्ली पुलिसनि स्पेशल सेलनि नायबिजिरनायाव बे बाध्राया सोराडाव फेदों। माखासे दायनिगिरिफोरनि पुलिसनि रिमान्डआ दिनें जोबसिगोन। दिल्ली पुलिसआ दायनिगिरिफोरखौं कर्टआव दिन्थिनानै गोदानै रिमान्ड बिगोन। पुलिस बिबानगिरिफोरनि बायदिल्ला दासिमाव खैसार सानायनि जाहोना सोराडाव फेयाखै। बे केसनि गोथौसिम सौहैनो थाखाय सोंथि सोंनाया सोलिगासिनो दड।

गगा मोन्नाय गुजुनायनि थाखाय
सरासन्त्रायै गथ'फोरनाव बाहायग्रा
कप सिरापखौं भारतआ होबथादों

गोदान दिल्ली, 21 डिसेम्बर : मुलुगनाडै गुजुनायनि मुलि एबा कप सिरापनि जाहोनाव गासै 141 गथ'फोरनि थैनायखौं नोजेरो हानानै भारतआव मुलिन सायाव नेम-खान्थि बानायग्राफोरा 4 बोसोरनि बाइइसिन बैसोनि गथ'फोरनो गगा मोन्नायनिफ्राय रैखाथि होनो थाखाय जाहोरा ड्रग्स-कम्बेनेशनखौं बाहायनायाव होबथादों। आरो बिथोन होदोंदि, मुलिफोरनि सायाव एप्रियेट लेबेलखौं लगायनांगौ। खौरं एजेन्सि राइटरनि मोनसे खौरंनि बायदिल्ला, नेम-खान्थि बानायग्राया बुंदोंदि, उन्दै गथ'फोरनि सायाव नायबिजिरनाय एन्टि कल ड्रग्स फरमुलेशनि बाहायनायखौं लानानै जिंगा सिनायनि उनाव बाध्रा सावरायलायनाय जादों आरो बे समाव एज केटेगरिनि थाखाय बै ड्रग्स कम्बेनेशननि बाहायनो मोनैनि सायाव अजद होनाय जादों। बे बिथोना 2019 निफ्राय दासिमाव माखासे गथ'फोर थैनाय, जाय बिबानगिरिफोरनि बायदिल्ला, हादतआव बानायनाय बिष गोनां कप सिरापजों भुगिनांनयनि उनाव होनाय जादों। बे थैनायफोरवा थानाय बोसोरनि गेजेर समनिफ्राय गम्बिया, उज्बेकिस्तान आरो केमरुपआव सा 141 थैनायफोर दंफायो। बिबानगिरिफोरनि गेजेरजों खौरंनि बायदिल्ला, भारतआवबो 2019 आव हादतआवनो बानायनाय कप सिराप जानायजों सा 12 गथ'फोरा थैदों आरो साब्रै गुबुन गथ'फोरा गोब्राबै अंगहानि जादों। बाइइ बैसेनावनो मुलिफोरनि जगाइ होनायनि जाहोनाव भारतखौं मुलुगनाडैनि पामासि होना टेग होनाय जायो। पिक्सड-ड्रग्स कम्बेनेशन (एफडिसि) नि सायाव नेम-खान्थि बानायग्राफोरनि बिथोनखौं 18 डिसेम्बरआव फोसावदोंमोन आरो बुधवारखालि राइज्योआरि महैरै मिबथिहोदों, जेराव मुलि बानायग्राफोरा गावसोरनि दिहुन्थायाव सांग्राथिजों लेबेल लागानायनि गोनांथि जागोन। बेवहाय एफडिसिखौं 4 बोसोरनि बाइइसिन बैसोनि गथ'फोरनि सायाव बाहायनो मोन्नाय नड होना लिरनाय थागोन।

संसदनि रैखाथि सिमफायनाय जाथायाव आजिरा मोन्नाय
कर्नाटकनि लेडाइ एसपिनि फिसाज्लाखौं हमबाय

गोदान दिल्ली, 21 डिसेम्बर : दिल्ली पुलिस संसदनि रैखाथिखौं सिमफायनायनि थाखाय कर्नाटकनि सासे लाइमोन सैकृष्ण जगलीखौं हमदों। बे लाइमोनआ सासे आजिरा मोन्नाय लेडाइ एसपिनि फिसाज्ला। लाइमोनखौं बागलकट जिल्लानि गहाय मावख' सहरनि विद्यागिरीआव थानाय बिथानि न'निफ्राय हमनानै दोन्नाय जादों। बियो जगली, बेंगालुरुआव मोनसे एम.एन.सी. कम्पानियाव खामानि मावो आरो मैसुरनि थागिरि मनरन्जन डिनि लोगोमोन। मनरन्जनआ बिसोर



सुबुंफोरनि गेजेराव सासेमोन जाय थानाय सपताहायव लकसभा चेम्बारआव हावदोंमोन। साइकृष्ण जगलीनि बिबानाव स्पन्दया

बुंदोंमोनदि, दिल्ली पुलिसनि मोनसे हान्जाया फेदोंमोन आरो बिथानि फंवायखौं लांदोंमोन। मखजाथावदि, दिल्ली पुलिसा

बिनि सायाव सौनाय-फिन्याय खालामदोंमोन। स्पन्दया बुंदोंमोनदि, बिनि फंवाइआ जेबो गोरोन्थि खालामाखै।

मनिपुर सरकारआ निमनिया बेरामजों
जुजिनो थाखाय केम्पेन खालामगोन

इम्फल, 21 डिसेम्बर : मनिपुर सरकारआ निमनिया बेरामजों जुजिनो थाखाय मोनसे केम्पेन आरो मोनसे गोदान फुंखा मिरु गायसदों। मोनसे गिथावना सम्पल'आव सन्देरा बेरामखौं होबथानायनि थांखिजों देहा आरो नख र अन्साय बिफाननि मन्थि

बेरामआ जर'खायै गथ'फोर आरो बैसो गोरा मोननैबो थाखोनि सुबुंवाव बांसिनै गोहोम खोख्लेनो हागौ। जायनि थाखाय हां लानायवा गोब्राब जायो। बे बेरामआ वेक्टरिया बाइरस एबा मैखुनि जाहोनाव जानो हागौ। मुलुगनां देहा आफादआ बे बेरामखौं होबथानो थाखाय जिउनि गिबि 6 दाननि थाखाय आहार दौनायबादि जाहोनाफोरनि सायाव सिनायथि होदों। बेखेवनाय हाबाफारिनि समाव ७ सिंहआ निमनिया बेरामजों जुजिनायाव सांग्राथि आरो बेखौं होबथानायनि थाखाय आखाइ होनायनि गोनांथिनि सायाव

गुवारै फोरमायदों। बे समाव बिथाड थि समाव सांग्रांथि लानाय जायोब्ला बे बेरामखौं सरासन्त्रायै होबथाजाथाव आरो फाहामजाथाव रोखोमनि बेराम फोरमायदों। बे समाव बिथाड उदाडै सांग्रांथि फोसावनायनि गेजेरजों समाजयारि जिउआव राइज्योनि मोनफ्रोमबो खनायाव सौहैनांगोनि गोनांथिखौं फोरमायदों। बे समाव मन्थिआ कथिड-19 जों जुजिनाय आरो बयनिबो थाखाय गिबि मन्थि देहा बिथांखिनि जाफुंसारनायाव बिहोमा होनाय मावथिफोर गहायै आसाफोरनि नाजानायखौं बाखायदों।

भारतीय फोलेरनि बधनाआ
इंलेण्डआव जारिमिन सोरजिदों

गोदान दिल्ली, 21 डिसेम्बर : भारतीय फोलेरनि बधना सिभानन्दनआ इंलेण्डआव जारिमिन सोरजिदों। लाइमोन चैस गेलेगिरि बधनाआ इउरपियान ब्लिटस चैस सेम्पियनसिपआव देरहानानै साबसिन आइजो गेलेगिरिनि बान्थाखौं देरहदों। 8 बोसोरनि गेलेगिरि बधनाआ इउरपियान सेम्पियनसिपआव सुपार टेलेन्टेड बेस्ट अमेन गेलेगिरिनि बिम्बु देरहदों। सा-सोनाब लन्डनि हेरिनि थागिबि बधनाआ महामारि करनानि लकडउन समाव चैस गेलेनायनि उनाव लान्थिअयै देरहानानै इउरपियान ब्लिटस चैस सेम्पियनसिपआव देरहानो हादों। इउरपियान सेम्पियनसिपआव बिथाडा सासे इन्टारनेसनैल



मास्टरखौं फेजेन्नानै बिम्बु देरहदों। इउरपियान रेपिड एन्ड ब्लिटसआ बिथानि जाफुंसारनायखौं फोरमायनानै 8.5/13 पइन्ट आजिनानै बान्था देरहानायखौं फोरमायदों आरो 211.2 ब्लिटस इलअ पइन्ट आजिनायखौं फोसावदों। बधनाआ गावनि देरहानायनि उनाव जेल्बाबो गावनिफ्राय देरहानायनि थाखाय नाजाबोनायखौं

फोरमायदों। बिथानि बिफा शिब सिभानन्दनआ गावनि फिसाजोनि मोजां नाजाबोनायखौं फोरमायनानै बेनि गेजेरजों जाफुंसारफैनायखौं फोरमायदों। गुबुन सासे ब्रिटेननि भारतीय फोलेरनि चैस गेलेगिरि 9 बोसोरनि श्रेयस रयेलनि बिफा जितेन्द्र सिंहआ गावनि फिसाजलानि उन्दै बैसोआव चैसनि फोथारआव जाफुंसारनायखौं फोरमायदों आरो बिथानि कचि होनायनि थाखाय जेनायाव गोमलैनायखौं फोरमायदों। ब्रिटेननि गहाइ मन्थिआ बेफोर जेनाखौं नोजोर लाखिनानै फरायसुला-फरायसुलि आरो लाइमोनफोरखौं गेलेनाय, फोरानायनि थाखाय थुलुगानि बिथानिफोर खालामगासिनो दड।

इन्टारमियामीनि जानानै मेसिआ बाइयैब्लाबो
खेब 6 मेचनिफ्राय जानगारआव थागोन

मियामी, 21 डिसेम्बर : आर्जेन्टिनानि मुंदांखा फुटबलार लियनेल मेसिआ गावनि हादरयारि टीमजों मुखुबआव थानायनि थाखाय मेजर लीग सकारनि टीम इन्टार मियामीनिफ्राय खमैबो खेब 6 मेचफोरनिफ्राय जानगारआव थाथ'गोन। बेबादि थासारिआव मेसिनि थाखाय इन्टार मियामीआव गिबि सिजनआ गेलेयालासेनो जोबलांसिगोन। मेसिआ मियामीआव आमेरिकानि टप फुटबल इभेन्ट मेजर लीग सकारआव गावनि गेलेजेन्नाय अभियानखौं फेगौ 21 फेब्रुवारिखालि रियेल सल्ट लेकनि हेंथायै गावसोरनि नख 'रारि फोथारआव गेलेनायखौं जागायगोन। मुलुगनि बांसिन फुटबल



लीगफोरानो फिफानि सिडिउल्डनि समाव गावसोरनि मेचफोरखौं खुंफुडेब्ला बेबादि जेनायाव माखासे गेलेगिरिफोरा गोलेनो गोनां जायो। नाथाय मेजर लीग सकारआ इन्टारनेसनैल मेचफोरनि समावबो गावसोरनि मेचखौं लाखिलांनो थांखि लादों। बेबादि थासारिआव माखासे टप

गेलेगिरिफोरा गावसोरनि नेसनेल टीमजों मुखुबआव थानायनि थाखाय लीग मेचनिफ्राय जानगारआव थानांनो हागौ। मेसिनि अनगायै जानो गोनां लीग मेचआव माखासे गेलेगिरिफोराबो नेसनेल टीमजों गाव-गावनि हादरफोरजों गेलेनो हागौ। मेसिआ मियामीनि रियेल बुल्सनि हेंथायै फेगौ बोसोरनि 23 मार्चआव जानो गोनां मेचनि समाव आर्जेन्टिनानि टीमजों गेलेनो हागौ। बेनि अनगायै बिथाड 15 जुनखालि फिलाडेलपिया, 19 जुनखालि कलम्बास, 29 जुनखालि नेशाभिले, 3 जुलाइखालि साल्ट आरो फेगौ 6 जुलाइखालि सिनसिनारटिनि हेंथायै मेचआव बाहागो लानाय नड।

याकुत्सकआ मोनसे बरफजों खोबफबजानाय गुसुसिन सहर

डिसेम्बरिन खावसे सानआ बारलानायनि उनाव गोबां गुसु जानाया सुबुंफोरखौ जिंगायाव खोख्लैयो। हरनि अनगायै साननि समावबो गोबां गुसु जानाया सुबुंफोरखौ जिंगा सिहोयो, जायनिफ्राय रैखाथि मोनो थाखाय सुबुंफोर गाव गावनि रोजा जेकेटखौ दिहुनो। बे थासारिया बै समाव फेयो जेब्ला सानाव मेस्किमाम बिदुंआ 20 डिग्रि सेल्सियासनि गोजौआव जायो। बेबायदियाव मुलुगनि बै बयनिखुइ गुसुसिन जाग्रा सहरफोरनि सोमोन्दै साननो हायो, जेराव गुसु बोथोरनि समाव बोथोरा सरासन्नायै माइनास 40 डिग्रिनि खाथियाव थाहैयो। मुलुगनि बयनिखुइ गुसुसिन जाग्रा सहरनि मुड याकुत्सक। बे सहरआ रासियानि सुदुर साइबेरियाआव दडा रासियानि राजथारनि मस्क'निफ्राय बे सहरनि जा-थाया 5 रोजा किल'मिटर। बे सहरआ बोसोरनाडै बरफजों खोबफबजानानै थायो आरो सानआ बेवहाय दसे समल'



नुजाथियो। गुसु बोथोराव गासे समावनो बरफनि जाहोनाव बे सहरनि बिदुडा सरासन्नायै - 40 डिग्रिनि खाथियाव थायो। गरम बोथोरवबो बेवहाय साननि बिदुडा 5-10 डिग्रि सेल्सियासिसमल' सौहैयो। याकुत्सकआव गुसु बोथोराव सुबुंफोरनि जिउ खुंनंगौया गोबां जेंना गोनां जायो। बरफ गोलैनायनि जाहोनाव बेवहाय लामाफोरा अराय सम बरफजों खोबफबजानानै थायो। गोबां गुसु बारहावा बारनायनि जाहोनाव सुबुंफोर बायजोआव ओंखारनो हाया। गुसु बोथोराव बेवहायनि

बोथोरा गोबां खेब -50 मैंगं थाइंगं जेबो मोना। बेदरनि मुडवबो बरफनि नाखौल' मोनो हायो। याकुत्सकआव गुसु बोथोरव गोबां बरफ गोलैनायनि जाहोनाव लामाफोराव गारि सालायनायाबो गिथावना जायो। बेवहाय बाडाइ बिदुनि जाहोनाव सुबुंफोर गासैबो समावनो गाव गावनि गारिफोरखौ इन्जिन अन खालामनानै दोन्नांगौ जायो। जुदि बिसोरो बावनानै माब्लाबा समाव खावसे घन्टनि थाखाय गारिनि इन्जिनखौ बन्द' खालामोब्लाबो गारिखौ स्टार्ट खालामफिन्नांगौया गोब्राव जायो। □

2023 माइथायाव माखासे आइजोफोरआ बयनिखुइबो बांसिन सावरायनाय जादों



फारिलाइआव ब्रैथि मासियाव दं। मेल'नीआ 22 अक्टबर, 2022 मायथाइयाव इटालीनि बिबानखौ सामलायदोंमोन। मेल'नीआ इटालीनि गिबिसिन आइजो गाहाय मन्थि। इटालीआ 1946 मायथाइयाव मोनसे सुबुंखुंथाइ जादोंमोन आरो 2022 मायथाइयाव इटालीआ मेल'नीनि महाराव गावनि गिबिसिन आइजो गाहाय मन्थि मोनदोंमोन। मेल'नीआ 2014 मायथाइनिफ्राय इटालीनि आगदा-गांखं पार्टी, ब्रादास अफ इटालीनिबो आफादगिरिमोन। मेल'नीआ गावनि गोरोन्थि गैयै स्टाइलनि थाखाय मिथिजायो। बावैसो मेल'नी सोरखाराबो चीननि बिआरआइ मावथांखिनिफ्राय ओंखारनो थिरांथा लादों। कमला हेरिसआबो बे बोसोराव



मुलुगनाडैनो खौरांआव थाबाय थादों। कमला हेरिसआ आमेरिकानि गिबिसिन गोसोम गिबि आइजो। बेनि अनगायैबो कमला हेरिसआ गिबिसिन खोला एसियानि आमेरिकान जाय आमेरिकानि लेडइ हारदरगिरि जादों। 20 जानुवारि 2021 मायथाइयाव कमला हेरिसआ आमेरिकानि लेडइ हारदरगिरि जादोंमोन। कमला हेरिसआ फर्बसनि फारिलाइआव थामथि मासियाव दड। क्रिस्टीन लेगार्डआ फर्बसनि फारिलाइआव नैथि थाखोआव दड। क्रिस्टीन लेगार्डआ इउरपियान सेन्ट्रल बैंकनि आफादगिरि। क्रिस्टीन लेगार्डआ गिबिसिन आइजो जाय इउरपियान सेन्ट्रल बैंकनि गाहाय जानो हादों। क्रिस्टीन लेगार्डनि मोनफुंनया बेनोदि, बिथाख गासैबो जेंनाफोरजों मोगा-मोगि जानादोंमोन नाथाय कभिड बायदि महामारिनि समाव गोब्राव खामानि मावदोंमोन जाहाथे बेयो इउर 'जन रांखाथियाव बाडयसिन गोहोमो खोख्लैयो।

इउर'पियान आय'गनि आफादगिरि उर्सुला भन डेर लेयेना फर्बसनि फारिलाइनि गोजौसिनाव दड। उर्सुला भन डेर लीनखौ जुलाइ 2019 मायथाइयाव बे बिबानखौ होनाय जादोंमोन। उर्सुला भन डेर लेयेना इउर'पियान आय'गनि आफादगिरि सायख'जानाय गिबिसिन आइजो। उर्सुला भन डेर लेयेना गावनि बिबानखौ मोजाडै मावफुंनया दड। उर्सुला भन डेर लेयेनखौ बयनिखुइबो गोहोगोरसिन आइजो मानिनाय जायो। □



जायोदि, टेलर स्विफ्टआ मेथाइ आरो रयेल्टीनिफ्राय 500 मिलियन डलार आर्जिदोंमोन। बेनि अनगायैबो बिथाख दं'खोनि फारिलाइनिफ्राय 500 मिलियन डलार आरो गुबै सम्पथिनिफ्राय 125 मिलियन डलार आर्जिदों। इटालीनि गाहाय मन्थि जर्जिया मेल'नीआ बे बोसोराव गोबां सावरायजादों। मेल'नीआ फर्बसनि

रंजालि गथ'फोरनि सौरा

टेट्राकटिस खन्थाइ

-रैदोम बर',
माजदिया, बगुलामारि, बाक्सा

बै
मुलुग
बिखानि
नुनाय मनि
नोंनो आंनो मिजिनाया जोबा

दे
जौमोन
बिदिनो
थुलुंगांखां
होलाय नांगौ खन्थाइनि थिलिआव

जिउ
गोरबो
बिखानि
मिजिनाया
अरायबो बिलियाव हांमा सुरनाय

मिथिंगानि सावगारी

- नारायण बसुमतारी
जायनारी

सोमखोर लाइमोन देलायसिनि रुम्बां, हाया-जौवा सोमखोर हाजो, बेन्दो-बेंला, बिफां-लाइफां दावमा-दावसानि मेथाय रोजाबनाय, सान-हर, मोसा-लखानि सोगोमनाय, बेसेदि रिंगिना-संगिना- नॉनि रैरुब मुन्थिया मिथिंगा। सुबुंआ थांनो थायो हाया नों अनसुलि मिथिंगानि अनगा। मोजां मोनो सुबुंआ गावनि जिउनिखुइ साबसिन, खायफाया रोजाबो नॉनि हायनानि महाराव रैसुमै मेथाय माब्लाबा सोरबा सुजुयो बेखौ लाना खन्थाय। दिने नों नाथाय लाथया.....। बिदिन्थिनि गुथाल इनाय खान्थियाव नॉदि नॉनि लाइमोन महाराव जानांबाय जिनाहारि सोमखोर रुम्बां हायनारि महारा लरहाय लांबाय। जिबिनि देरसिन जिबिनि जानानै गावखाल नायग्रा सुबुंआ नॉनि सोलेरखौ खालामो फालांगि। आय नॉनि लाइमोन मिथिंगा सिख्ला खालाम थानानैल' थानांबाय बै अना गारि सुबुंनि आखायाव।

फोजाखां

- नागराज ब्रह्म
कक्राझारी

गोमोरनाय अरखौ सुखांफिन आवलिथों लाथा खानाइ गुसु थैखौ, जेरावबो दैबथिं सागलोबर्थों गुदु थैआ गिग्लुंथों मुलुगान बयखौबो फोजाखांथों। दागि सानु अखायाव जुजि बे दावहा थिलियाव जेखि खैफोत फैया आवगाय बयबो गावनि थांखियाव खामना फोजोबस्रां हेंथा दुथांफोरखौ बयबो सुधि मोनथोंसै जाथोंसै जेरावबो दानस्रां।

अम्बासि हर

-मानिक बसुमतारी
सालबारि, बागसा

आगोन दाननि गुसु बारजों रिंखां फेदों आनि खोमा सेराव साया - माया, नुफा- माफा गेले फेयो, नॉनि महारा थाखुमानो हाला आं; रिंथि - रिंथा सग्रेमानि जौनाय जों खोमसिखौ सं दानै-दानै। अम्बासि हराव बिलिर लाडे, आइलि-जार्जलि खानाइखौ हगार सारनानै होसोदों खोमसि गावनि सोमखे महरखौ लानानै; सिउ-सिउ बारनाय बारा होसो लादों उन-उन नॉनि सायखंखौ नायै-नायै।

गजल खन्थाइ

-रैदोम बर',
माजदिया, बगुलामारि, बाक्सा

रजे नॉनि खन्थाइ रेबनाय सोरखौबा खन्थाइ रेबनो थुलुंगा होनाय

आरो नों गाव खन्थाइ रेबनायाव मावफुदिखा मोननाय

बेखौबो लोगोफोरनो होयो फोरमाय फोरमाय

बेनिफ्राय नों रजेखौ गुमुर मोनोदि लाइमोन बर'फोरखौ खन्थाइगिरि जानो हांखाइनाय

नों सोलोंथाय

- दानसोरां बसुमतारी
कक्राझार

फेदो फे बयबो खौसेयै एना एनि गैथारा रावबो राव जोंहा खौसेथिनि लामाजों आगान सुरनो जेंना-जेंसि सुफोरखौ बोस्रानो, दावगादिनि फेदों बयबो सोलोंथायाव। गोजामखौ गारनानै गोदानखौ लागोन रोंगथिनि गियानजों आवगायलानो सुथुरनि आखायनिफ्राय बारग'नो दैमुनि दैआव गोजोमनो। हागोनदा जों बयबो खौसेयै खोमसिनिफ्राय सोराडव थानो गोदोसोनाय नेरसनखौ बोखांफिनो, फेदो जों बयबो खौसेयै सोलोंथायनि गोदै फिथायखौ जोंबो मोनजानि। मेगनाव मोदै गनायखौ गोसोनि दुखुखौ दोनथ'ना गावनि उदैखौ सुफुना लानो अरायनि थाखाय गोजोननाय लाबोनो। दावगादिनि फे सोलोंथायनि गोजोन सुबिदा थासारि नागिरना-सोलोंथायाव दावगाथिनि लामा लानो जों खौसेयै। सरस्वति बिमाखौ अरायनि थाखाय फुजिनो मोनथों बयबो बिमा सरस्वतिखौ आंगोनि बिमा देरहासाद जाथों बिमानि अननाय दावगानाय लाबोनो हाथों आय! नों सोलोंथाय।

अननाय गैयै

-सानसि नार्जारी
हालांबाजार

अननाय गैयै नॉनि बे गोसोआ, जोनोमनि फुरियाव माब्ला नोंखौ अननायनि सिमां नुगोन। सानो आं अरायबो नॉनि अननायखौल' मोनगोनबायदि, नुयो आं नॉनि महरखौ अनसुला बादि। नाथाय नॉनि गोसोआ अननाय फोरमायनो रोड, अननाय गैयै नॉनि गोसोआ जोनोमाव नॉनि अननायखौ मोनला आं।

कामरुप जिल्लानि रामपुरआव जौगाखां भारत...

जानगराव थानांदों बिसोरखौ बिथांखिन आवथायाव लाबोनानै बिथांखिफोरनि मुलाम्फा होनायनि थांखिजों बे संकल्प यात्राखौ मावफुंनाय जादों। बिबुंधियाव बायदिसिना बिथांखिफोरनि बाभ्रा मख 'नानै गिबि मन्श्रिआ बुडोदि, गहाइ मन्श्रि आबादारि सन्मान निधि बिथांखिनि गेजेरजों सारफ़ोमबो आबादारिनो 2 रोज़ा रड्डे 3 किस्टि गासै 6 रोज़ा रं होनाय जादों। गुबुन रइज्योयाव माखासे आबादारिफोर बे बिथांखिन मुलाम्फा मोन्नो हादों। उत्तर प्रदेशआव बे बिथांखिन सिडव 2 कौटि आबादारिफोर बोसोरे 6 रोज़ा रड्डे मोन्नो हादों। बिथाड खुडोदि, रइज्यो सरकार बिबान रुजुनायनि समाव आसामाव गासै 2 लाखल' आबादारिफोर बे गहाइ मन्श्रि आबादारि सन्मान निधिन खाबु मोन्नो हादोंमोन। नाथाय थानाय 3 बोसोराव सरकारनि गोब्राब नाजानायजों 11 लाख आबादारिफोरा गहाइ मन्श्रि आबादारि सन्मान निधिन खाबुखौ मोन्नो हायो। बिथाड बुडोदि बेयाव जेबो थि थांखि थाया। आसामाव थानाय 25 लाख आबादारिफोर जुदि नेम-खान्थि बादियै आर'ज खालामो अक्ला बे बिथांखिन खाबुखौ मोन्नो हागोन। दासिम गहाइ मन्श्रिन आबादारि सन्मान निधिन गेजेरजों मोन 15 किस्टिआव आसामनि आबादारिफोरनिंसिम 4,800 कौटि रं होनाय जादों होन्नानै बिथाड बुंबावोदि, पलासबारि ओन्सोलाव बे बायदि गोबां आबादारिफोर दइ' जायफोर बे बिथांखिन सोमोन्दै मिथिया आरो आर'ज खालामाखै। बे बायदि आबादारिफोरनो जौगाखां भारत संकल्प यात्रानि समाव गावनि मुंखौ थिसनोब्ला लोब्बा गोनां बिफाना बिसोरनि न'याव थानानै गहाइ मन्श्रि आबादारि सन्मान निधिनि मुलाम्फायारि महरै सोसनगोन होन्नानै गिबि मन्श्रिआ बुडे। गहाइ मन्श्रि आवास बिथांखिन सोमोन्दै गिबि मन्श्रिआ बुडोदि, गहाइ मन्श्रि नरेद्र मदिआ गोथां न' थानाय सारफ़ोमबो सुबुंनो पाक्का न' होनायनि रहा खालामदों। जायफोर गहाइ मन्श्रि आवास बिथांखिन न' मोनाखै बिसोरनि मुंखौ थिसन्नो हागोन। उनाव लोब्बा गोनां बिफाना नायबिजरिनाहें हारोंथाय गोनां सुबुंनो न' होनायनि रहा लागोन। जायफोर मुलाम्फायारिफोर थालांदों बिसोरो बे जौगाखां भारत संकल्प यात्रानि मुं थिसन्नानै सरकारनि नोजेर बोनो होन्नानै गिबि मन्श्रिआ बुंबावोदि, दासान्दि रइज्यो सरकार रेसन कार्ड थानाय गासैबो नख'रनो आयुष्मानि बारि कार्ड होनायनि रहा लादों। बे कार्डीन गेजेरजों मुलाम्फायारिफोर देहा फाहामसालियाव 5 लाख रंसिम बेसेन नाडै फाहामथाय मोन्नो हागोन। गावनि बिबुंधियाव गिबि मन्श्रिआ अटल पेन्सन बिथांखि, जिवनज्यति बीमा बिथांखि आरो सुस्खा बीमा बिथांखिन बाभ्रा मख 'नानै बिथांखिफोरनि सायाव गुवारै फोरमायथिनानै होयो। ७ शर्माआ बुडोदि, भारतिनि लाइमोन गोहोखौ हादतनि दाफुंथाय खामानियाव थिसन्नो थाखाय गहाइ मन्श्रनि आं भारत एपआव रेजिस्ट्रेसननि रहा खालामदों। जायफोरा बे एपनि गेजेरजों गावनि मुंखौ रेजिस्ट्रेसन खालामनो गोसो गुदुं हादतनि लाइमोन समाजा बे एपआव गाव-गावनि मुं रेजिस्ट्रेसन खालामनानै गुबुन गुबुन सरकारि बिथांखिजों नांथाबनो हागोन। गिबि मन्श्रिआ बुडोदि, सिगाडव दै बानाज खहा जानानायफोरनि थाखाय जेबो इन्सुरेन्स गैयामोन। आसाम सरकारा फसल बीमा बिथांखिन सिडव 10 लाख आबादारिफोरनो 350 कौटि रं होदों। बेनि अनगायैबो 2023–24 माइथायाव रइज्यो सरकार 205 कौटि रं फसल बीमा बिथांखिन सिडव दै बानाजों खहा जानानाय आबादारिफोरनो होदों। जौगाखां भारत संकल्प यात्रायाव बरपेटा, धुबुरि, गवालपारा बायदि ओन्सोलाव गोबां रेहाय मोन्नो हादों होन्नानै गिबि मन्श्रिआ उन्वला बिथांखिन सोमोन्दै बुडोदि, बे बिथांखिन सिडव 900 रॉनि सिलिन्डरखो 700 रडाव होदोंब्लाबो माखासे सुबुंफोरा मुं थिसनैनै जाउनाव बे खाबुखौ मोन्नो हायाखै। जायफोर सुबुड रेसन कार्ड गैया एबा बिसोरनि बोसोरारि आञ्जिथाया 4 लाखनिखुइ बाडइ बिसोरनो गोदानै रेसन कार्ड होनाय जादों होन्ना मख 'नानै बिथाड बुडोदि, फैगौ दानाव सरकार 10 लाख सुबुंनो गोदानै रेसन कार्ड रनानाै होनाय जागोन। रइज्यो सरकारा 2140 रडाव माय बायबोदों होन्नानै गिबि मन्श्रिआ माय आफादखौ बांहोनायाव गोनांथि होयो। गुबुन गुबुन सरकारि बिथांखिन खाबुखौ जाहाथे रइजो-राजाफोरा मोन्नो हायो बे थांखिजों गहाइ मन्श्रि नरेद्र मदिआ जौगाखां भारत संकल्प यात्राखौ लाबोदों होन्नानै गिबि मन्श्रि फोरमायो। बे हाबाफारियाव आबहावा आरो हाग्रा बिफाननि मन्श्रि आरो कामरुप जिल्लानि दिशगिरि मन्श्रि चन्द्र महन पाटवारी, एमएलए हेमंग ठाकुरिया, जिल्ला बेंगिरि किर्ति ज्जली, भारतिय जनता पार्टीनि जिल्ला आफादगिरि अन्जन गस्वामी, जिल्लानि इन-चार्ज अर्निबान गस्वामी आरो गोबां मेलेमजबिब सुबुंफोरा बाहागो लायो। ॥

बिटिआर खोलोबाव ‘मिसन बातसल्य नि ...

आखाइयाव लानाय गुबुन गुबुन बिथांखिफोरा जाबाय- ‘मिसन गथ'सा' (बातसल्य) आबो मोनसे। दिनै कक्राझारनि बिटिसि सेक्रेटारियेट मेल जथुमसालियाव बिटिआर खोलोबनि मिसन गथ'सानि नेमखान्थि आरो बेखौ बाहायनायनि सोमोन्दै साकराय जथुम खुंनाय जायो। बिटिसिनि समाज अन्साइ बिफानआ सरकारि नडै आफाद नेडान फाउन्डेसननि हेफाजाबव, इउनिसेभनि कारिकरि हेफाजाब आरो रइज्योयारि गथ'सा रैखाथि आफादनि बान्जायनायाव सानसेनि हाबाफारिजों मोनसे सावराय मेल खुंजालाडो। मेलखौ हाबाफारि बायदियै बेखेवना होयो बिटिसिनि नेहाथारि गहाइ आकाशद्विपआ। मेलनि थांखिलाइखौ बेखेवनानै होदों नेडान फाउन्डेसननि आफादगिरि ७ दिगम्बर नाजारीआ। बेखेवनाय बिबुंधियाव सरकारि नडै आफाद नोर्सोननि बिथोनगिरि आरो इउपिपिएलनि गहाइ नेहाथारि रजु नाजारीआ बिटिआरनि सिडव थानाय गथ'साफोरनि सोमोन्दै खामानि मावबोनाय गुबुन गुबुन रंगौंथिफोरनि सायाव गुवारै फोरमायनानै होयो। फारसेथिं गहाइ आलासि महरै बाहागो लायो बिटिसिनि समाज अन्साइ बिफाननि मावफुं सोद्रोमा गौतम दासआ। मिसन गथ'सा बिथांखिखौ लानानै मोनफ़्रोमबो खामानिखौनो गोनांथि होनो सारफ़ोमखौबो खावलायदों। सैनानाय गथ'साफोरा जाहाथे गासैबो खाबुफोरखौ मोन्नो हायो बेनि फारसे नोजोर लानो खावलायो। बे हाबाफारियाव रइज्योयारि गथ'सा रैखाथि आफादनि प्रग्राम मेनाजार अशक शर्मा, प्रग्राम मेनाजार ट्रेनिंनि साभिय लार्का, इउनिसेभनि गथ'सा रैखाथिनि बिजिसिंगिरि लक्ष्मी नारायण नन्दामोनहा गुबुन गुबुन आयदानि सायाव बिबुंधि होयो। बे मेतयाव बिटिसि सेक्रेटारियेटनि नेहाथारि फामि ब्रह्म आरो जतिन बरा, लेडइ पुलिस बिबानगिरि नबनिता शर्मानोमजं लोगोसे बिटिसिनि दर 5 जिल्लानि जिल्ला गथ'सा रैखाथि बिबानगिरि-मावसुमाफोरा बाहागो लानानै मिसन गथ'सा बिथांखिन सिडव मावफुंजानाय गुबुन गुबुन बिथिंफोरखौ लानानै गुवारै बिबुंधि होयो। ॥

इउ पि पिएलनि हेंथायै खामानिनि सोलायै ...

जागायजेन्दों राजखान्थिनि हाबु सारलायनाया। बिपिएफआव जगदान जानाय सा 64 दैदेनगिरिफोरा इउपिपिएल दोलोनि दैदेनगिरि नड खोन्नानै सालबारि जिल्ला इउपिपिएल दोलोया खौरंगिरि मेलनि गेजेरजों दाबि खालामानायनि उनाव दिनै बिपिएफआव जगदान खालामनाय बारस' इउपिपिएल दोलोनि मावफुं सोद्रोमा कनक चन्द्र बर'आ प्रवाद बर' दैदेनाय बिटिसि सरकारखौ गोख्रों रवजों सोंखारियायजों लोगोसे सालबारि इउपिपिएलनि आफादगिरि बिकन गयारीआ खौरंगिरि मेलाव बिपिएफनि हेंथायै अजद दैखानायखौ नेवसिगारनानै बिकन गयारीखौ सांग्रांथि होयो। कनक चन्द्र बर'आ बुडोदि, सोलायनायनि सार्थआव सरकार दाफुंनानै इउपिपिएल दोलोया गेना-खान्थिसो खालामदों। सालबारि जिल्ला इउपिपिएलनि आफादगिरि बिकन गयारीआ राजखान्थियारि महरै आखा-फरखा नड। बिकन गयारीआ टिसिएलसिसिनि मासिगिरिनि बाभ्रायाव जिरायलाय-सिखरलाय खालामो होन्नानै अजद दैखानानै बिकन गयारीआ फिन बे बायदि बिबुंधि होबावोब्ला इसिडारि बाभ्राफोरखौ बुंफोरनानै होगोन होन्नानैबो कनक चन्द्र बर'आ सांग्रांथि होयो। खौरंगिरि मेलाव कनक चन्द्र बर'आ खुद्रिखानानै इउपिपिएल दोलोनि सिगांनि सिनायथि लाइखौ दिन्थिनानै बिकन गयारीखौ थगायसुला होन्ना फोरमायनानै बिकन गयारीआ मैया-दाखालिनि आफादगिरि, जों इउपिपिएलनि थाखाय गोबां खरुस्थै मावबोदों होन्ना फोरमायनायजों लोगोसे बिसायख'थिनि सिगां प्रमद बर'खौ लाफानानै सालबारि बियाबाव गोख्रों फोसावदिंदोंमोन। इउपिपिएलनि मावफुं सोद्रोमानि बायदि बिबान रुजुनबोदोंमोन। नाथाय खुंधाय गोहोयाव फैनायनि उनाव जेबो गोनांथि होयाखै। दोलोनि गहाय थाखोयाव जानाय दान्थे-बिदान्थेनि थाखायनो गासै सा 64 सोद्रोमाफोरा दोलोखौ नागारदानै होन्ना फोरमायनानै गेना-खान्थिजों बुंफरनाय इउपिपिएल दोलोया रइजो-रजाफोरनि खामानि मावनो हाया। बिटिसिआव हाग्रामा महिलारिनि खुंधाय समाव जौगाथाय फैदोंमोन। आधिखालाव प्रमद बर' दैदेनायाव सोलिबाय थानाय बिटिसि खुंधायनि मोनफ़्रोमबो बिफाननि खामानियावनो मावफुं सोद्रोमा, खुंधायनो 20 जौखेन्दो कमिसन होनांगौ होन्नानै गोख्रों अजद दैखाडे कनक चन्द्र बर'आ। दोलोनि गहाय थाखोनि मावफारियाफोरनि गेजेराव दान्थे-बिदान्थे सोमजिनायनि थाखाय इउपिपिएल दोलोखौ नागारदानै बिपिएफ दोलोयाव हाबफैनाय बाभ्राखौ मख 'नानै फैगौ समाव हाग्रामा महिलारिनि दैदेनाय बिपिएफ दोलोया बिटिसियाव सरकार दगोन होन्नानै बिथाड बुडे। मख'नो गोनांदि, थानाय 16 डिसेम्बरखालि गर्बधनाया बिपिएफ दोलोनि मोनसे मेलाव कनक चन्द्र बर', चिलाराय बसुमदागिरि, बिनद स्वरगियारी, जितेन कलित्त, मुकुन्द कलित्त, हानिफ अलिजों लोगोसे गासै सा 64 इउपिपिएलनि बारस' दैदेनगिरि-मावथिफोरा दोलोखौ नागारनानै बिपिएफआव जगदान खालामदोंमोन। बेनि उनाव थानाय 19 डिसेम्बरखालि सालबारि जिल्ला इउपिपिएलनि दैदेनगिरिआ सालबारिनि दोलोयारि मावखुलियाव मोनसे खौरंगिरि मेल खुंनानै इउपिपिएल दोलोनि सासेबो दैदेनगिरि-मावथिफोरा बिपिएफआव जगदान जायाखै होन्नानै फोरमायदोंमोन। ॥

तामुलपुरनि भारत–भुटान ...

खमलायखौ लानानै मैया बिसिनि फंबाया सुज्य गवालानि न'याव फैनानै इनयै गाग्लोबदोंमोन आरो बे गाग्लोबनायनि जाउनावनो सुज्य गवालानि जिउ गोमादोंमोन। गुबुन फासैथिं, मैया सोमजिनाय बे जाथाया दिने सोयडव फैयो। दिने फुंनि समाव ओन्सोलनि गामि बोराया कुमारिकाता पुलिस थानायाव खौरं हरनायाव पुलिस हान्जाया जाथायथिलियाव नुजाथिहैनानै गोथै सहरुखौ बोखाडे आरो परस्ट मर्टेम आन्जाद खालामनो थाखाय दैथायहरो। गुबुन फासैथिं, बे जाथायजों लोब्बा थानाय गवालानि बिसिनि फंबायजों लोगोसे गासै सानै सुबुंखौ खायो। हमनो हानाय सुबुंखौ फारियै बैसागु कर्मकार आरो अजुर्न कर्मकार होन्नानै सिनायथिनो हादों। ॥

दुलाराय आसाम जिल्ला खुंधाय..

गथायनाय, जिल्ला बेंगिरि मावखुलियाव सुपारिस्टेन्डेन्ट आरो गाणनिक मासि सोजिनाय आरो गहाइ हेफाजाबगिरिनि मासिखौ बांहोनाय, जारि खालामग्राफोरखौ उफ़्रा 3 जौखेन्दो खालामनाय आरो एर्नपिपस बन्द' खालामनानै अपिपस बाहायनाय बायदि माखासे दाबिफोरखौ लानानै दुलाराय आसाम जिल्ला खुंधाय मावसुमा आफद तामुलपुर जिल्लाया 3 घन्टा नाडै हेंथा सोमावसारनाय हाबाफारि खुडे। दिनैनै बे सोमावसारनाय हाबाफारियाव दुलाराय आसाम जिल्ला खुंधाय मावसुमा आफादनि तामुलपुर जिल्लानि आफादगिरि रहें बर', नेहाथारि अमित बरुवामोनजं लोगोसे जिल्ला आफादनि माखासे बिबानगिरिफोरा बाहागो लाफैयो। ॥

गिरुवापारानि बरग' लोगो ...

लागासिनो दडमोन। दै जगायथाय बिफाननि जुनियर इन्जिनियर महरै साख्रि मावनायखौ जागायजेन्नाय सतिश दासआ बिफानयाव लोगो इन्जिनियर महरै आजिर लादोंमोन। सासे सैथो, थि सान्थीगिरि महरै मिबथिजानाय सतिश दासआ सानफ़्रोमबोनि जिउ खानायाव सासे गुर्, मोजं आखुनि नोगोरारि महरै मिबथिजायोमोन गेदेस्थार सरुपेट ओन्सोलजं लोगोसे समाज जिउयाव। रंसारि जानाय समाव बिसि, सासे फिसाज्ला, सानै जुलि जानाय फिसाजोजों लोगोसे माखासे अन्सायगिरिफोरखौ बे संसाराव नागारलानाय सतिश दासनि रंसारि जानायाव सरुपेट ओन्सोलयाव दुखुनि सांथा साग्लोबदों। ॥

जिल्ला आबाद बिफाना....

बिफाननि मावफुं सोद्रोमा घनस्याम दासआ बाहागो लानानै आबादारिफोरा सरकारि बिथांखिफोरनि गेजेरजों सरकारा होनाय खाबुफोरखौ आजावनानै सिगांनिखुइ बांसिन मुलाम्फा लानो खावलायहरो। लोगोसे आबादारिफोरनि थाखाय सरकारा सम सम गुबुन गुबुन बिथांखि आजावबोदों होन्नानै बिथाड फोरमायो। मख'नो गोनांदि, दिने कक्राझार जिल्ला आबाद बिबानगिरि मावखुलिनि लांगोनायाव खुंनाय बे मैगं बेगर रननाय हाबाफारियाव आबाद बिफाननि मावफुं सोद्रोमा घनस्याम दास, बिटिसिनि आबाद बिफाननि बर'खा बिबानगिरि मनरन्धर दास, बिटिसिनि आबाद बिथोनगिरि मावखुलिनि लोगो बिथोनगिरि फारियै प्रसाद बर्मा, शिशिर दास, लेडइ सामब्लायगिरि बिनद डेका मोनहाबो बाहागो लायो। जिल्ला आबाद बिबानगिरि दिगन्त थापाआ दैदेनाय बे हाबाफारियाव आलासिफोरा बिबुंधि होनायनि उनाव गोबां आबादारिफोरनि गेजेराव जौगा माननि जोगोनार, लाव, खुमब्रा, भिन्दि, केरेला, थाइबं बायदि मैगं-थाइगंनि बेगरफोरखौ रनानाै होयो। बे हाबाफारियाव जिल्ला आबाद बिफाननि गुबुन बिबानगिरि-मावफारियाफोरजों लोगोसे बियाबनि टिसिएलसिसिनि सोद्रोमाफोराबो बाहागो लायो। ॥

आरोबाव खनसे करनानि...

खालामनाय जादों। करना भाइरासजों सोमोन्दो गोनां गासैबो आपडेटफोरखौ बेवहाय मिबथिनाय जादों। हादतआव 9 सानफोरावह्नो करनानि केसआ 2 गुण बारा जादों। बयनिखुइ गिबिसिन केसआ केरेलायाव जादों, जेराव दासिमाव 2,000 निखुइ बांसिन केसफोरखौ थिसन्याय जादों। थानाय 24 घन्टानि गेजेराव केरेलायाव 292 केसआ सोराडव फैदों। फारसेथिं नैथि नाम्बाराव कर्नाटकआ दइ; जेराव 79 केस एक्टिभ दइ। थामथि नाम्बाराव गवाया दइ; जेराव 23 केसखौ थिसन्दों। गासै हादतआव 24 घन्टानि अन्जिमाया 341 के ससिम सौहेंदों। इउपिनि गाजियाबादआवबो करनाथा सोमाजिदों।बेवहाय सासे बेयमिन्थियाव करना जानाय मोन्नो हादों। नख'रनि गुबुन सोद्रोमाफोरनि सायाव नायबिजरिनाय जागोन। सावस्त्रि बिफाना सेम्पेल लानानै जिनम सेक्वुएन्सिं खालामहोगोन। नख'रनि सोद्रोमाफोरा दुबाइआव दावबायहेंदोंमोन। गाजियाबादनि सास्त्रिनगर ओन्सोलआव बे इन्केक्सन जानायखौ मोन्नो हादों। जाय गोख्रैथिजों करनानि केसआ बांदों बेखौ नोजेर होनानै रइज्योआव थियारिफोरखौ गोहोम गोनां खालामदों। मिरुआरि सावस्त्रि मन्श्रिया थियारिफोरखौ गोहोम गोनां खालामनो थाखाय जथुम्मा खुंदों। ७ मान्सुख मान्डबियाआ हां लानायजों सोमोन्दो गोनां बेयमिफोरखौ सांग्रांठे थानो बिथोन होदों। फारसेथिं सरकार थासारिया सामलायजादों होन्नाबो रेखा खालामदों। मख'नो गोनांदि, हुआ केस बानायनि जाहोनाव बे करनानि भेरिएन्टआ बिए.2.86 निनो मोनसे बाहागो होन्ना मानिदों। हुआ बेखौ आधिखालाव भेरिएन्ट अफ इन्स्ट्रेट मानिदों। बयनिखुइ गोब्राबसिन भाइरासखौ भेरिएन्ट अफ कन्सार्न होन्ना मानिनाय जायो। बे हिसाबे जिएन.1 भेरिएन्टखौ एसेबां गिथावन होन्ना मानियाखौ, जाय सुबुंनि जिउखौ फोजोबनायनि दायनिगिरि जायो। नाथाय बे भेरिएन्टआ गोख्रैयै गोसारनो हमदों। बेनिखायनो बेखौ लानानै गिख्रंथाव जागोन नामा होन्ना जिंगा सिदों। ॥

दुलाराइ आसाम जिल्ला खुंधाय..

जिल्ला बेंगिरि मावखुलियाव मावफारियाफोरा आखाइ-आखाइ फेस्टुन, प्लेकार्ड लानानै गोख्रों सोमावसाे। दुलाराइ आसाम जिल्ला खुंधाय मावफारिया आफादनि खावलायनाय बादियै दिने कक्राझार जिल्ला आफादनि जिल्ला नेहाथारि मतिलाल दासनि दैदेनायाव कक्राझार जिल्ला बेंगिरि मावखुलियाव फुंनि 10 रिगानिफ़्राय 2 घन्टा सोमावसारनाय हाबाफारि खुडे। जाउनाव जिल्ला बेंगिरि मावखुलिनि खामानिफोरा फुंनि समान थाबथानो गोनां जायो। गुबुन फासैथिं, सोमावसारनाय हाबाफारियाव मावफारिया आफादनि स्त'गान होनायजों जिल्ला बेंगिरि मावखुलिया गोमखाडे। मख'नो गोनांदि, दुलाराइ आसाम जिल्ला खुंधाय मावफारिया आफादनि गोलाव समनि दाबिफोरखौ सुखानो थाखाय दिनेनिफ़्राय साननैनै हाबाफारिजों गोख्रों सोमावसारनायखौ जुरियो। ॥

दै बाना होबथानो कक्राझाराव मास्टारप्लान ...

गोग्गो लोंग्रा दैनि फिल्टर आरो टिरफाल गथायनायनि मोनसे मख'जाथाव थांखि आजावना लानायाव साबायख'र बाउयो। बिथाड कक्राझार सहरनि लामा, नाला आरो कालभार्ट लुनायनि गुदि-बिथानि थाखाय थानाय बोसोरानो आसाम सरकारआ कक्राझार नोगोर आफादनो 9 कौटि रं गथायनायजों लोगोसे बिटिआर सरकारआ सहरनि गुदि-बिथा फोजौखानांयनि थाखाय 2 कौटि रं गथायनायनि थांखि लादों। आधिखालाव बे खानिनि थाखाय कक्राझार नोगोर आफाद, सुबुं लुफुंथाय बिफान आरो जायगानि एमएलएजों ज' जानानै नानै 9 कौटि रंजों लुजानो गोनां खामानिनि जरिपखौ आबुं खालामनायखौ मिबथिहोनानै एमएलए इस्तारिआ कक्राझार सहरुखौ गोसो बोनो हानाय समाइना खालामनो थाखाय गुबुन गुबुन बिथांखि आखायाव लानायनि बाभ्राखौ फोरमायो। बिथाड फैगौ जानुवारी दानाव 9 कौटि रं बाहायनायजों दर 10 वार्डयाव लामाफोर, नाला आरो कालभार्ट लुनाय जागोन होन्नानै बाभ्रा होयो। लोगोसे कक्राझार सहराव नुजाथिनाय दै बाना सोमजिनाय थासारिखौ होबथानो मोगथाडारि महरै मास्टारप्लान थियारि खालामनायनि बिथांखि आखाइयाव लादों बिटिआर सरकारआ। गोनांथि जानायाव बायजोनिफ़्राय रंगौंथि गोनां इन्जिनियार लाबोनानैब्लाबो बिगियानारि आदोबै कक्राझाराव हरखाब दै बाना सोमजिनाय जेनाखौ बोखानांयनि थाखाय बाभ्रा होयो एमएलए लरेन्स इस्तारिआ। बेनि थाखाय माखासे समनि गोनांथि दइ'होन्नानै बिथाड बुंदों। कक्राझार सहराव दाकाथिजों लोगोसे गुबुन गुबुन समाजयारि बेरेखा, समाजयारि नडै'खामानिफोरखौ होबथानो मेट्रपलिटान सहर बायदि कक्राझारनि गहाय लामायाव सिसि केमेरा लगायनायनि खामानि मावनाय जागोन होन्ना बिथाड फोरमायथियो। कक्राझार सहरनि हाबुबारियाव सा 1500 सुबुंफोरा जिरायनो हानाय बायदियै समाइना महरनि गंसे मेल जथुमसालि लुनाय बिथांखिखौबो बिटिआर सरकारआ आखाइयाव लानायखौ बिथाड फोरमायथियो। फारसेथिं कक्राझार नोगोर आफादनि बिबानगिरि मस्त्रिमा प्रतिभा ब्रह्मआ दिनै निखावरि मुलाम्फायारिफोरनो दैनि फिल्टर आरो टिरफाल गथायनायनि अनगायै फैगौ सानफोराव हौवासा-हिन्जावसा आरो गागि नोगोरारिफोरनो सलार लाइट गथायनाय जागोन होन्नानै बुडे। लोगोसे कक्राझारा सहरुखौ साखोन-सिखोन खालामनानै लाखिनायनि अनगायै मथर-गारिनि ट्रेफिक सामलायनायनि बिथिडव जिल्ला खुंधायजों सावरयलायनानै रहा लानायनि बाभ्राखौ फोरमायो। लोगोसे सहरनि थाबायग्रा फुट-फाट लामा आरो नालाफोरखौ दखल खालामग्राफोरनिफ़्राय बोखानो गोख्रों रहा लानायजों फोसावथाय होनाय जागोन होन्नानै नोगोर आफादनि बिबानगिरि मुस्त्रि ब्रह्मआ फोरमायथियो। मख'नो गोनांदि, कक्राझार नोगोर आफादनि बान्जायनायाव निखावरि मुलाम्फायारिफोरनो मुवा-बेसादफोरखौ गथायनाय हाबाफारियाव सार्केल बिबानगिरि ऋतुपर्ना दास, इउपिपिएलनि देबरगाव ब्लकनि नेहाथारि अशक गयारि, बिजेपिनि मावफारिया देबाशिष दास, केएमबिनि बिबानगिरि निलिमा बसुमतारिमोनजं लोगोसे माखासे वार्ड कमिसनार आरो गावसुंधा आफादनि सोद्रोमाफोरा बाहागो लाफैयो। ॥

कक्राझार जिल्ला बिसायख थि बिबानगिरिनि ...

फारिलाइयाव गोदान मुं थिसननाय, मुं दानख'नाय आरो सोदांफिन्यायनि थाखाय कक्राझार जिल्ला बिसायख'थि मावखुलिआ जर'खा थांखि आजावना लादों। बेबायदियाव जिल्ला बेंगिरि मावखुलियाव भटार हेफाजाब होग्रा मिरु बेखेवनाय जादों। बेनि अनगायैबो फैगौ 23 डिसेम्बराव 3 नं. कक्राझार (जनजाति) बिधान सभा बियाबनि सिडव थानाय कक्राझार सुकारि फरायसालिमा, कक्राझार बिगियान फरायसालिमा, कक्राझार कमाचं फरायसालिमायाव गोदान मुं थिसननायनि थाखाय जर'खा हाबाफारि लानाय जागोन। गुबुन फारसे फैगौ 24 डिसेम्बराव 4 नं. बाउखुंग्रि बिधान सभा बियाबनि सिडव थानाय शक्ति आस्त्रम गोजौंसिन गेजेरारि आरो थांखि गोबां फरायसालिमायाव मुं थिसननाय जर'खा हाबाफारि लानाय जागोन। मख'नो गोनांदि, कक्राझार जिल्लायाव आधिखालसिमाव फर्म 6 नि गेजेरजों सा 2863 सुबुंफोर, फर्म 7 नि गेजेरजों 2999 सुबुंफोर आरो फर्म 8 नि गेजेरजों सा 1415 सुबुंफोर एबा गासै सा 7277 सुबुंफोरनिफ़्राय आर'ज थिसननायखौ मोन्नाय जादों। खौरंगिरि मेलयाव अफलाइननि गेजेरजोंबो बिएलअनि आखाइयाव फर्मफोरखौ गथायनो हागोन होन्ना खौरंगिरि मेलयाव जिल्ला बिसायख'थि बिबानगिरिआ फोरमायना होदों। मख'नो गोनांदि, ड्रापट भटार फारिलाइ बायदियै 2 नं. ददमा (जनजाति) बिधान सभा बियाब गं 142 भट मिरुनि सोलायै गासै सा 1,05,649 भटारफोर दइ। बेनिनो सा 53125 आ हौवा भटार आरो सा 52524 आ आइजो भटार। 3 नं. कक्राझार (जनजाति) बिधान सभा बियाबयाव गं 179 भट मिरुनि गेजेराव गासै सा 1,40,578 भटारनि अन्जिमाफोरा दइ। बेनिनो सा 69,073 आ हौवा भटार आरो सा 71,505 आइजो भटार, फारसेथिं 4 नं. बाउखुंग्रि बिधान सभा बियाबयाव गं 210 भट मिरुफोर दइ। बे बियाबयाव गासै सा 1,62,109 भटारफोरा दइ; बेनिनो सा 81,302 हौवा आरो सा 80,807 आइजो भटार। फारसेथिं कक्राझार जिल्लायाव 18 निफ़्राय 19 बोसोर आरो 20 निफ़्राय 29 बोसोर बैसोनि गेजेराव थानाय भटारनि अन्जिमाया जैरेबायदि बांनांगौमोन बेनि रुजुनायाव जोबोद बाडइ दइ होन्ना मिबथिहोदों। गोदान मुं थिसननाय, मुं दानख'नाय आरो सोदांनायनि बिथिडव भटार हेल्फ लाइन्ड एपयाव खामानि मावनो थानानै सरसहनसा सुबुगोफोरा जेनाजों मोगा-मोगि जादों। साभर्र जेना, अनलाइनयाव बांसिनथार आर'ज थिसननायखौ नेवसिगारनाय, मबाइल नम्बर आपडेट जादें, सोदांनायनि बिथिडव बांसिनथारवनो एसि हाज'-सुवालकुसि होन्ना फैनाय, एपिक कार्ड फैयै बायदि गोबां जेनाफोरा भटारखौ जेना सोमजिहोदों। बे बिथिडव जागायजेन्नो लानो जर'खा हाबाफारिया भटारफोरखौ माबोरै मुलाम्फा मोनहोगोन बेखौ समावसो नुनो मोनगोन। दिने कक्राझार बेंगिरिनि मावखुलियाव खुंनाय मोनसे खौरंगिरि मेल खुंनायाव बिसायख'थि बिबानगिरि केश बानन्द तायबो बाहागो लाफेदों। ॥

रयेल ग्लबेल मुलुगसोलोंसालिनि एकाडेमिक...

होनाय आरो बिसोरनि सिमांफोरखौ मोगथाडारि खालानायनि बिथिडवबो रोखायै गोहोम खोख्रैगोन। भारतआ दरसे लाइमोन हान्जनि हादत होन्ना मख'नानै गिबि मन्श्रिआ बुंदोदि, फरायसाफोरा दिन्थिनाय गुण गोनां माननि सायावबो हादतनि इयुनआ सोनारो। गिबि मन्श्रिआ बुंदोंदि, रंगौंथि गोनां बिबुंगिरिफोरजों लोगोसे गोख्रों गुदि-बिथा आरो सोलोंथायारि खाबु थानाय रयेल ग्लबेल मुलुगसोलोंसालिया आर्टिफिसियेल इन्ट्लिजेन्स, मेसिन लार्नि, ब्लक सेइन्, बिग ड्राट एनालाइसिस, मबाइल इन्टरनेट, इन्टरनेट अफ टिंस बायदिफोरा आधिखालनि बिरोंदामिनारि दाथायफोरखौ आजिनायनि बिथिडवव फरायसाफोरखौ जोबोद गोसो मोजं मोनहोंनांगोन। बेनि जाहोनाव फरायसाफोरा आधिखाल मुलुगजों मोगा-मोगि जानो रंगौंथि गोनां जानांगोन होन्नानैबो बिथाड बुडे। भारतखौ मुलुगनां गुरु महरै सोर्जिनो थाखाय गहाइ मन्श्रि नरेन्द्र मदिआ नाजानायनि बाभ्राखौ मख'नानै गिबि मन्श्रिआ भारतयारि हारिमुनि बिथायाव गावखौनो जौगाखां होनो थाखाय फरायसाफोरखौ खोवलायो। सोदांनय आरो हारिमुनि सोमोन्दै मख'नानै गिबि मन्श्रिआ बुंदोदि, सुबुं सम्पदयाव जोबोद मुदंखा भारतबर्षआ बेसेनथिनि बिथायाव सुबुं सम्पद जौगाखां होनायनि बिथिडव मुलुगनि गुबुन गुबुन हादतफोरनिंसिमबो गोनांथार बिहोमा होनो हायो। बिथाड फरायसाफोरखौ समाजयारि, हारिमुवारि आरो सोलोंथायारि महराव गोख्रों जानानै जौगाखानाय भारत सोर्जिनायनि सायावबो बिहोमा होनो खावलायदों। गिबि मन्श्रिआ बुंदोंदि, फरायसा जिउयानो जाबाय जिउनि बयनिखुइबो देरिसिन सम, बिथाड फरायसाफोरखौ गावसोरनि सिमांफोरखौ मोगथाडारि खालामनायनि थाखाय गावखौ फोथायनाय आरो गावखौ सामलायना रैखाथि होनानै थांखियाव सौहेंनोबो बुडे। गिबि मन्श्रिआ रयेल ग्लबेल मुलुगसोलोंसालिनि सामलाय आफाद आरो फोरंगिरि समाजखौ गुबै सुबुं सम्पद सोर्जिनायनि बिथिडव जोबोद गोख्रैथिजों खामानि मावनो खोवलायो। मानोना समाजआ गोग्गानो हानाय सुबुं सम्पदआ लुबैयो। गिबि मन्श्रिआ लोगोसे बुंदोंदि, फरायसा समाजआ गावसोरनि बिथोनफोराव दावगालांनो हानाय बायदियै गोख्रों सोलोंथायारि आबहावा सोर्जिनांगोन। रयेल ग्लबेल मुलुगसोलोंसालिनि चेन्सेलर ७ ए.के. पान्सारि, भाइस चेन्सेलर प्रफेसार एस.पि. सिंमोनहाबो बिबुंधि होंनाय बे हाबाफारियाव मुलुगसोलोंसालिनि फोरेंगिरि, फरायसाफोर आरो माखासे मानगोनां फरायसाफोरबो बाहागो लायो। ॥

भारतयारि फुटबल हान्जायाव सायख'जानाय...

शइकिया, सालबारि महकुमानि लोगो कमिसनार अनुष्मिता दत्त, बाक्सा जिल्ला गेलेमु बिबानगिरि बिक्रम सिं दै

शाहरुख खाननि सावथुन डंकिया बे बोसोरनि 3थि ब्लक बास्टर सावथुन जानो हागौ

पाठान, जवाननि उनाव आथिखालाव शाहरुख खानआ सावथुन 'डंकिया'जो लोगोसे बक्स अफिसआव दोहो सोमजिहोना थाखाय थियारि जादों। सावथुन डंकिया रिलिज जानाय लोगो लोगोना नायगिरिफोरा बेखौ ब्लक बास्टर होन्ना फोरमायदों। बलिउडनि कि खानआ आरोबाव खनसे बक्स अफिसनि गासैबो अन्जिमाखौ सोमावखांहोना आवगायबोदों। कि खान एबा शाहरुख खाननि सावथुन डंकिया थारैना 21 डिसेम्बरआव रिलिज जाबाय। सावथुनआ रिलिज जानाय



लोगो लोगोना सशेल राजकुमार हिरानीनि बिथोन मिडियाआव दोहो होनाय सावथुन डंकियाय सोमजिखांहोदों। शाहरुख इमशन्स, लाभ आरो ड्रामाखौ खाननि फाव खालामनाय आरो

डंकिया लानानै फेन्सफोरनि गेजेराव इक्साइमेन्टखौ नुदों। जायफोरा गिबि सानाव गिबि स्व'खौ नायदों बिसोरो सशेल

मिडियाआव गाव गावनि फिनजाथाइबो होदों। डंकिया आलि मनि स्व 'फोरावबो फेन्सफोरनि थुलुंगाखांनायखौ नुदों। शाहरुख खाननि सावथुनआ सशेल मिडियाआव फारफोमथिबो बाखायजानो हादों। सासे इजजारआ लिरदों, फाइनाल रिभिड हेरिटेज डंकिया, हिरानीआ दोहो सोमजिखांहोदों। गुबुन सासे इजजारआ लिरखावदों- डंकिया 1 वार्ड रिभिड- मास्टफिस। डंकिया भारतनि गिबिसिन बेस्ट कमाशियेल सावथुन जानो हागौ, हिरानीनि साबसिन बिथोन होनाय।

हलिउडनि टम क्रुजरखौ रासियानि सचलाइट एलिसना खाइखाजों डेट खालामनायनि खौरां गोसारदों



हलिउड स्टार टम क्रुजखौ बावैसो सिगाडाव लन्डनआव रासियानि सचलाइट एलिसना खाइखाजों लोगोसे जायजों बियो सासे धोनि नख 'रनि आइजोखौ डेट खालामनाय होन्ना सन्देह' खालामनाया गोप्रेसिन जादों। रिपर्टनि बायदिल्ला, क्रुजखौ 9 डिसेम्बरखालि मेपेयारआव 36 बोसोरनि हट एलिसना

खाइखाजों लोगोसे मोनसे पार्टीआव बाहागो लानाय नुनो मोन्दोंमोन। बे पार्टीजों हमदांनो हायोदि, बिसोर सानैया बेवहाय मोनसे पेयारनि महरै बाहागो लानो सौहेदोंमोन। बे पार्टीआव बिसोर सानैनि गेजेराव गोबां क्लज बन्डिखौ नुनो मोन्दोंमोन। बेवहाय बाहागो लानाय सासे सुबुडा फोरमायदोंदि, भेनिउनिफ्राय बायजोआव

ओंखारनायनि सिगां बिसोर सानैखौ गावजों गाव गोबालायनाय आरो मोसानायबो नुनो मोन्दोंमोन। बे पार्टीआव सुबुंफोरा क्रुजजों सेलिफ लानो हास्थायदोंमोन। नाथाय बियो गनायाखै। जोबथायाव डिजेआ जेव्ला रासियानि रावआव मिस्टर क्रुजआ जेबो रोखोमनि सावगारिखौ हास्थायखै होन्ना फोसावो अब्ला सुबुंफोराबो

गनायना लायो। क्रुजनि रासियानि सिखलाजों रमान्स् खालामनाया बिन थामथि बिसि केटि हम्सजों आलादा जानायनि उनाव सोराडाव फेदों। क्रुजनि आगुनि बिसिफोरनि बाथाखौ बुडोब्ला 1997 निफ्राय 1990 सिमाव बियो फावखुंग्रि मिमि रजर्सनि फिसाइमोन। फाथैलाइनि बिसिनयनि उनाव आरोबाव 1990 निफ्राय 2001 सिमाव बियो निकल कितमेनजों जुलि जानानै थादोंमोन। बियो 2006 आव केटि हम्सजों थामथि खेब जुलि जायो। नाथाय 2012 आव बे जुलियाबो बायो। 36 बोसोरनि रासियानि बे सिखलाया फार्मर मडेल। बियो आथिखालाव ब्रिटिसनि नोगोरि जानायनि उनाव लन्डेनआव थायो। बियो सासे गाहाइ रासियानि एमपि रिनेट खेरभनि

फिसाजो, जाय ब्लाडिमिर पुटिननि राजखान्थियारि हेफाजाबगिरिबो। दा टेलिग्राफनि रिपर्टनि बायदिल्ला, रासियानि सचलाइटनि जुलिया रासियानिनो डायमन्ड फालांगिरि मिडिउनि त्सेक्भजों जादोंमोन। नाथाय 2020 आव बिसोरो फाथैलाइ बिसिलायो।

सावथुन 'मै अटल हुं' नि ट्रेलारखौ रिलिज खालामबाय



भारतीय राजखान्थिनि मुंदांखा दैदेनगिरि आरो आगुनि गाहाइ मन्थि अटल बिहारी बाजपेयीनि बाय'पिक सावथुन 'मै अटल हुं' नि ट्रेलारआ रिलिज जाबाय। सावथुनाव मुंदांखा दैदेनगिरि अटलनि अनगायै सुस्मा स्वरजनिफ्राय लानानै सनिया गान्धीनि फावखौबो नुनो मोनगोन। अटल बिहारी बाजपेयीनि फावखौ सावथुनआव पंकज त्रिपाठीआ दिन्थिदों। ट्रेलारआव माखासे फावफोराव बिन रायज्यालयनाय आरो आखु दिन्थिनायफोरखौ मुंदांखा दैदेनगिरिजों मिलाइफलेनाय नुनो मोन्दों।

भारतीय राजखान्थिनि मुंदांखा दैदेनगिरि आरो पंकज त्रिपाठीनि फावआ नायगिरिफोरजों गोबां बाखायजादों। सावथुनाव अटल बिहारी बाजपेयीनि जागायजेन्नायनिफ्राय लानानै जोबजासिमनि दावबायनायखौ दिन्थिनाय जादों। नाथाय बे समाव बिन सायाव जानाय माखासे मोजां गाचि थासारिफोरखौबो सावथुनाव नुनो मोनगोन। ट्रेलारआव सुस्मा स्वरजनि फावनि नुथाइखौबो नुनो मोन्दों।

बिजेपिनि मुंदांखा दैदेनगिरि जानाय अरुन जेटलनि सिनायथिखौबो ट्रेलारआव नुनो मोन्दों। बे फावआवबो गोबां नाजानाय जादों। लुकनिफ्राय लानानै बाथा बुंनयानि स्टाइलफोरखौ बिजों एखे जानाय नुनो मोन्दों। पार्टीआव प्रमद महाजनीआ मा बिबान दडमोन बेखौबो रोखायै नुनो मोन्दों। बेबायदियाव अटल बिहारी बाजपेयीनि बाय'पिक आव बिन बाहागोआरिखौबो मख'नाय

जादों। सनिया गान्धीनि फावखौ सावथुनआव पाउला मेकगिलनआ दिन्थिदों, जाय सासे मुंदांखा फेब्रुवारी आरो सिगाडावबो बियो बेबायदि फावखौ दिन्थिखां बाय। पाउलानि लुकखौ जर'खा दोन्नाय जादों, जायखौ नुनानै बिन एक्टि खालामनायखौ हमदांनो हायाखै आरो भारतनि आगुनि गाहाइ मन्थि इन्धिरा गान्धीनि फावखौबो दिन्थिनाय जागोन। अटलजिनि दावबायनायाव बिन मुंखौ मख'नाया सरासन्ना जायो। ट्रेलारनि मोनसे सिनआव मुलि मनहर जपिनि नुथाइखौबो नुनो मोन्दों। सावथुननि रिलिजनि बाथा बुडोब्ला बेयो 19 जानुवारीयाव रिलिज जागोन। बेनि सिगां अटल बिहारी बाजपेयीनि जोनोम सान एबा 25 डिसेम्बरआव रिलिज खालामनो गोनांमोन नाथाय आथिखालाव बिन रिलिजखौ फावसायनाय जाबाय।

टाटा मटर्सआ गोदान एस.इ.उ.भि. लन्च खालामनो थियारियाव दड



गोदान दिल्ली, 21 डिसेम्बर: हादरनि थामथि बयनिखुइ देरसिन कार बानायगा टाटा मटर्सआ फेगौ राखरि बोसोरखौ फान्नायनि बेलायाव कम्पानीनि थाखाय साबसिन जागोन होन्ना मिजि थिदों। कम्पानिया गोदान मटर-गारिफोरखौ लन्च खालामनायनि जाहोनखौ सानगासिनो दड। 2024 मायथाइयाव कम्पानिया इलेक्ट्रिकजों लोगोसे मोनसे गोदान एस इ उ भि लन्च खालामनो थांगासिनो। मुलुगनि थामथि बयनिखुइबो देरसिन

हाथाइ भारतआव गावनि हमथानायखौ गोखौ खालामनो थाखाय कम्पानिया हेरियर आरो पंचनि मोब्लिबआरि महर लन्च खालामनो थांगासिनो दं। बेजों लोगोसे कम्पानीया 2024 मायथाइयाव गोदान एसइउभि कारखौबो लन्च खालामगोन। बेयो थांनाय 3 बोसोराव कम्पानीजों लन्च खालामजानाय 3 एसइउभि। पान्व एसइउभिखौ कम्पानीया जोबथा आगस्त 2021 मायथाइयाव लन्च खालामदोंमोन। टाटा मटर्सआ गावनि मुंदांखा एसइउभि हेरियर

आरो पंचनि इभि अवतारफोरखौ लन्च खालामनो थांखि खालामदों। थांनाय नै बोसोराव कम्पानीया सि.एन.जि. आरो मोब्लिबआरि रोखोमफोराव गावनि पर्टफिलियखौ फेहेरदों। कम्पानीया नेक्सन इभि आरो सीएनजी अवतारफोरजों हेरियर आरो साफारिनि फेसलिपटखौ लन्च खालामदों। कम्पानीया बावैसो नेक्सन आरो नेक्सन इ.भि. लन्च खालामदोंमोन। बे मोन्नेनि जथायनाया से लाखनि बांसिन बुकि मोन्दों, जायनि गेजेराव 15,000 नि खाथिया इ.भि. नि थाखाय। टाटा मटर्स पेसेन्जारनि एम.डि. शैलेश चन्द्रआ इटीजों मोनसे मोगा-मोगियाव बुंदोंमोनदि, कम्पानीया 2026 मायथाइसिमाव गावनि पर्टफिलियआव 10 इ.भि. मडेल थानो थांखि खालामदों।

गिबि खेब साउथ सुपर स्टारजों केटरिना नि ज'राखौ नुनो मोनगोन

केटरिना केफ आरो भिजय शेतुपतिनि 'मेरि क्रिसमास'नि ट्रेलारआ रिलिज जाबाय। मेरि क्रिसमासखौ हिन्दी आरो तामिल मोन्ने रावफोराव बानायनायजादों। सावथुननि हिन्दी भार्जनआव अर्जुन कापुर, बिनय पाकत, प्रतिमा कन्नन आरो तितु आनान्दखौ नुनो मोनगोन, जेशव तामिल भार्जनआव रथिका सरत सुमार, सनमुगाराजा, कभिन जय बाबु आरो आश्विनि काल सेकर जर'खा केमिय'खौ नुनो मोनगोन। बे सावथुनाव गिबि खेब केटरिना केफ आरो भिजय शेतुपतिखौ लोगोसेयै नुनो मोनगोन। बे ट्रेलारआव आलिया भाटुनि फिनजाथायाबो सोराडाव फेदों। आलियाआ गावनि इन्सय स्ट'रियाव लिरदों- अके, बेयो थारैना गोबां कुल, आरो गोबां एक्साइटेड जादों। मेरि क्रिसमास सावथुना क्रिसमासनि बेगराउन्टआव बिथा खालामनाय मोनसे सावथुन। ट्रेलारखौ नायनानै हमदांनो हायोदि, सानै सिनायमोनै सुबुंफोर केटरिना केफ आरो भिजय शेतुपतिया लोगो मोनलायो आरो उनाव लोगो जालायो। नाथाय बेनि उनाव जाय थासारिया सोमजियो बेने सावथुननि टर्नि पइन्ट जादों। श्री राम राघवनआ बेनि सिगां बदलापुर आरो अंधाधुन बायदि सावथुनफोरखौ बानायखां बाय। बे सावथुनफोर नायगिरिफोरजों



गोबां मोजां मोनजादोंमोन। सावथुन मेरि क्रिसमासनि देखोखौबो थाबैना रिलिज आम्बानीनि क्रिसमास पार्टीआव मिरा राजपुतआ केजुएल लुकजों सुबुंफोरनि गोसोखौ बोनो हादों फावखुंगुर साहिद कापुरनि बिसि मिरा राजपुतआ थारैना एक्टि मुलुगाव बाहागो लाया। नाथाय बियो गावनि स्टाइलसि आखुनि थाखाय गोबां सावरायजायो। खौराडाव थानायनि अनगायै गोबां खेब मिरा राजपुतनि ग्लेमार्स स्टाइलआ गिदिर गिदिर फावखुंगुरफोरखौ फेजेनो। बावैसो समावबो मिरा राजपुतआ गावनि ग्लेमार्स आखुजों लाइम लाइटआव थानो हादों। बुधवारखालि मोनाबिलि समाव आम्बानीनि क्रिसमास पार्टीआव मिराया गावनि केजुएल लुकजों साफ्रोमबोनि नोजोरखौ बोनो हादों। साहिद कापुरनि बिसि मिरा राजपुतआ बुधवारखालि

खालामनाय जागोन। फारसेथि गिबि खेब प्रिंटम आरो भरुण प्रवारनि इन्टरटेन्मेन्टखौ नुनो मोनगोन। बे सावथुनआ 2024 नि 12 जानुवारीयाव रिलिज जागोन।

आम्बानीनि क्रिसमास पार्टीआव मिरा राजपुतआ केजुएल लुकजों सुबुंफोरनि गोसोखौ बोनो हादों



मोनाबिलि समाव फिसाफोरजों लोगोसे आम्बानीनि क्रिसमास पार्टीआव थांदोंमोन। मिराया क्रिसमास पार्टीनि थाखाय स्टाइलसि केजुएल लुकखौ क्रिएट खालामदोंमोन। मिराया गुफुर टिसार्टजों लोगोसे निला गाबनि डेनिम्सआव ह्यगावनि स्टाइलखौ दिन्थिदों। गुफुर टिसार्टजों लोगोसे निला डेनिम्सजों लोगोसे साहिद

कापुरनि बिसिया गुफुर स्निकार्स गान्दोंमोन। लोगोसेनो बियो निला गाबनि स्लिं बेग लादोंमोन। सरासन्ना मेकआपजों लोगोसे मिरा राजपुतआ खानाइखौ हसारदोंमोन। लोगोसेनो बियो स्पेकखौ खर'आव लादोंमोन। आम्बानीनि क्रिसमास पार्टीआव मिरानि बे केजुएल लुकआ सशेल मिडियाआव गोबां

रासियानि सान्थिफोरा एन्जरनिफ्राय गोसारनाय गोदान बेरामजों मोगा-मोगि जानांदों

मस्क, 21 डिसेम्बर: रासिया-इउक्रेननि गेजेराव दावहाया सोलिंगासिनो दड। रासियाआ इउक्रेन नोगोरफोराव गाग्लोबगासिनो दड। गुबुन फारसेथिं इउक्रेनआबो रासियानि मिसाइलफोरखौ फोजेबखानाने गावनि थांखिखौ फोरमायगासिनो। बावैसो इउक्रेनआ रासियानि गोहोगोरा किनझाल मिसाइलखौ गावखलायदोंमोन। इउक्रेनआ आमेरिकानि पेट्रियट मिसाइलजों बे जाफु'सारनायखौ खालामदोंमोन। बे समावनो इउक्रेननि रौनियाफोरा मोनसे गिदिर दाबि खालामदों। इउक्रेननि रौनियाफोरा दाबि खालामदोंदि, रासियानि रौनियाफोरा मोनसे बेरामनि थाखाय गावसोरनि दावहानि गोहोखौ खोमाना लानांदों। बे बेरामाव मानसिन मेगननिफ्राय थै गनो हमो आरो सानसेआव गोबां खेव गोब्राव खर'सानाय आरो गोबानाय जायो। इउक्रेननि गाहाय इन्टेजिजेन्स डार्रेक्ट रिटआ कुपियान्कआव



रासियानि रौनिया हानजाफोरनि गेजेराव माउस फीभार होन्ना गोसारनायनि खौरां होदों। बे बेरामआ स्ट्रेटोक'कलनि मोनसे रोखोमनि सन्देरनाय, जाय मोनसे रोखोमनि बेक्टेरियाजों सन्देरो। बेयो एन्जरजों सोमोन्दो लाखिनानै एबा बिसोरनि मलनि सोरगिदिं हां लानायनि गेजेरजों मानसिनाव गोसोरो। बे बेरामनि जाहोनाव देहानि बिदुड 40 डिग्री बाडे। बे लोमजानायव गोब्राव खर'सानाय, दागो, गाहाय थै नारसिन्थाय आरो मेगननिफ्राय थै गनायनि जेंना

जायो। इउक्रेनआ दाबि खालामदोंदि, रासियानि रौनियाफोरा गावसोरनि कामान्दरफोरनो बे बेरामनि सोमोन्दै अजद होदोंमोन नाथाय बिथांमोननि अजदफोरखौ नेवसिनाय जादोंमोन। स्काइ निउसनि बायदिब्ला, दख'ल खालामग्राफोरनि सिगाडव कुप्यांस्क दिगाव माउस लोमजानाय रौनियाफोरा गोबां बेरामजों भुगिनांसिनो दड। इउक्रेनआ दाबि खालामदोंदि, रासियाया बे बेरामखौ गोथौयै लायाखै आरो बेखौ

रौनियाफोरनि दावहानिफ्राय बारग'नो मोनसे राहा महरै बाहायगासिनो दड। इउक्रेन आरो रासियानि गेजेराव दावहाया 2022 मायथाइनि फेब्रुवारनिफ्राय सोलिंगासिनो दड। बेयाव मोनैबो हादरनि रोजा रोजा रौनियाफोर आरो नोगोरारिफोरा जिउ गोमानांबाय, रोजा-रोजा सुबुंफोर जोखोम जाबाय। बे समावनो, इउक्रेनआ रासियानि बेरेखायै दावहा नांनो थाखाय रौनियाफोरनि अनजिमाखौ 1.5 मिलियनसिम बांहोनो थांखि लादों।

आफ्रिकानि हादराव गिख्रंथाव रानस्त्राव जानायनि जाहोनाव मा 100 निबो बांसिन मैदेरफोर थैदों



जिम्बावे, 21 डिसेम्बर: आफ्रिकानि हादर जिम्बावेआव रानस्त्राव जानायनि जाहोनाव गोबां मैदेरफोरा थैगासिनो दड। बयनिखुइबो बांसिन गोहोम गोम्लैनाया बोराय बैसो आरो लोमजानाय मैदेरफोरनि सायाव खोखलैदों। जायफोरा दै नागिरनानै गोजानसिम थानो हाया। बे समावनो रानस्त्राव जानायनि जाहोनाव दैनि आंखालाव बैसोगोरा मैदेरफोराबो थैगासिनो दड। 2019 मायथाइयाव व्हांगे हायुंआरि पार्कआव रानस्त्राव जानायनि जाहोनाव मा 200 मैदेरफोरा थैदोंमोन। जिम्बावेनि बयनिखुइबो देरसिन हायुंआरि रिजार्भआव रानस्त्राव जानायनि जाहोनाव बावैसो समफोराव खमैबो मा 100 मैदेरफोरा

थैबाय। हाग्रानि जिब-जुनातनि बिबानगिरिफोर आरो रैखाथि हान्जाफोरा थैनायनि थाखाय बोथोर सोलायनाय आरो एल नीन'खौ दायनिगिरि फोसावदों। मावख'आरिफोरा सांग्रांथि होदोंदि, गोबां सुबुंनिबो जिउ ख'हा जानो हागौ मानोना व्हांगे हायुंआरि पार्कजों लोगोसे खोला आफ्रिकानि हादरनि माखासे गुबुन ओन्सोलफोराव दुंहाव आरो एसेल'अखा हानायनि आसा दड। हादर गेजेरारि जुनात अन्साइआ बेफोरमैदेर आरो गुबुन जुनारफोरनि थाखाय मोनसे आंखाल महरै बरनायदों। जिम्बावे नेशनेल पार्क एन्ड वाइल्डलाइफ मेनेजमेन्ट अथ'रिटिनि बुंथिगिरि तिनाशे फारावआ बुंदोंदि, एल नीन'आ सिगांनिफ्रायनो गोब्राव थासांरिखौ आरोबाव गांजिसिन

खालामगासिनो दड। एल नीन'आ मोनसे बोथोरजों सोमोन्दो गोनां बोथोरारि गोहोम जाय 2 निफ्राय 7 बोसोरनि उन उन जायो। स्पेनिश सोदोब एल नीन'नि आंथिया फिसा हौवासा। बेयो एल नीन'खोलायारि दलननि बिदुंजों सोमोन्दो गोनां। लानीन'आ एल नीन'नि उल्था जेराव अखा बोथोरखौ मोजां मानिनाय जायो। बेयो गुबैयै सान्जा प्रशान्त लैथोमायाव सरसनस्त्रा नडैगुदुं दैनि थाखाय जागायजेनो। सानजानिफ्राय सोनाबर्थिं बारनाय बार, जायखौ फालागियायि बार नुंनय जायो। बिबुवारि पेरिफिकनि खाथियाव लासै लासै जायो एबा उल्था फारसे बारनो हमो। एल नीन'नि जाथायखौ जिम्बावेआव सिगांनिफ्रायनो मोन्दांनय जाबाय। बिगियानगिरिफोरा फोरमायदोंदि, बोथोर सोलायनाया एल नीन'खौ गोखौंसिन खालामगासिनो दड जायनि जाहोनाव बांसिन गिख्रंथाव जाथायफोर जागासिनो दड। मावख'गिरिफोरा 2019 मायथाइनि जाथायफोरनि फिन जाफिन्नायखौ मिर्जि थिदों, जेयव गोब्राव रानस्त्राव जानायनि

जाहोनाव हायुंआरि पार्क व्हांगेआव मा 200 नि बांसिन मैदेरफोर थैदोंमोन।

सा करियाआ फिन निउकिलयार हाथियार बाहायनो हुमखि होदों

पियंवां, 21 डिसेम्बर: सा करियायनि दैदेनगिरि किम जं उनआ फिन खेबसेबाव गुन्दासा हाथियार बाहायनायनि हुमखि होदों। मख'नो गोनांदि, सा करियाआ दासिमबो गुन्दासा मिसाइलफोर मोनाखै। बेनि गेजेराव समबाराव सा करियाआ 5 दाननि उनाव गावनि गिबिसिन बेलिस्टिक मिसाइलखौ आन्जाद नायदों। किम जंगआ रोखायै सांग्रांथि होदोंमोनदि, जुदि सोरबा सुथुरा बिथांखौ गुन्दासा हाथियारजों गाग्लोबो अब्ला बियो गुन्दासा गाग्लोबनायनिफ्राय गोजानाव थानाय नड। खौरांनि बायदिब्ला, सा करियायनि तानाशाह किम जंआ गेजेर हादरमायारि बेलिस्टिक मिसाइल आन्जाद लोब्ला थानाय रौनियाफोरखौ बाख्नायदों। सा करियायाव गुन्दासा हाथियारनि आन्जाद नायनाया थानाय बोसोरनिफ्राय

पाकिस्ताननि बारग'गाहाइ बिजिरगिरि साकिब निसारनि न'आव ग्रेनेड गाग्लोबदों

इस्लामाबाद, 21 डिसेम्बर: पाकिस्ताननि थासांरिया गांजि जालांगसिनो दडआरो हादराव आयेन आबुथिनि थासांरिया जोबोद गांजि। पाकिस्तानया आधिखालाव गोरिब-गुन्दाजों जुजिगासिनो दड। बेबादि लोरबां थासांरिनि जाहोनाव उदखारिफोरनि गोहोआ गोखौंसिन जानो हमदों। पाकिस्ताननि उदखारिफोरा आधिखालाव पाकिस्ताननि थाखाय जेंना सोमजिहोगासिनो दड। बुधवारनि मोनाबिलियाव लाहौरआव पाकिस्ताननि बारग'गाहाइ बिजिरगिरि (सिजेपि) साकिब निसारनि न'आव ग्रेनेडजों गाग्लोबदोंमोन, जेराव सानै पुलिसफोरा जोखोम जादों। गोजौ थाखोनि पुलिस मावख'गिरिफोरा जाथाय जानाय जायगायाव सौहैयो आरो बेनि सायाव नायबिजिरो। पान्जाब पुलिसनि सासे बुंथिगिरिया बुंदोंदि, जों जाथायखौ गासैबो बिथिनिफ्राय नायबिजिरगासिनो दं। बिथाड बुंदोंमोनदि, पुलिसआ बारग'सिजेपिनि रैखाथिखौ बांहोदों। बिजिरगिरि निसारआ मोनसे पाकिस्ताननि खौरां बिजोंनि गेजेरजों फोरमायदोंमोनदि, गावजों आरो बिथानि नख'रनि सोद्रोमाफोरा इइं रुमआव जिरायना दंमोन।



बेनि उनाव न'आव मोनसे गोसा बेरफुनाय खोनादोंमोन। जेब्ला न'नि गेजेराव थाडे अब्ला सानै रैखाथि मावथिफोरखौ जोखोम जानाय थासांरियाव गोम्लैना थानाय नुनो मोनो। मख'नो गोनांदि, सिनायमोनै सुबुंफोरा फेदोंमोन आरो गेजेराव ग्रेनेड खुबैदोंमोन आरो खारखोमादोंमोन। बिजिरगिरि निसारआ आरोबाव बुंदोंमोनदि, जोखोम जानाय रैखाथि मावथिफोरखौ देहा फाहामसालियाव तांनय जादोंमोन। निसारआ बुंदोंमोनदि, गाग्लोबनाया बिथानि थाखाय मोनसे गिदिर फावफान्दायनाय जानो हागौ आरो बे बमा गाग्लोबनाया बै फावफान्दायनायनि बाहागो। पान्जाब पुलिसनि गाहाइ उस्मान

अनवरआ जाथायखौ नोजोर होदों आरो लाहौर सहरनि पुलिस मावख'गिरिफोरनिफ्राय रिपट बिदों। पान्जाब पुलिसनि बायदिब्ला, गिबि नायबिजिरनायाव मिथिनो मोन्नाय जादोंदि, बेयो सुथुरफोरनि गिहोनाय आरो गिनाय गोसारहोनो मोनसे गांजि नाजानाय। सासे पुलिस बिबानगिरिया बुंदोंमोनदि, गुबुन हादरनि बाहागो लानायखौ नेवसिनो हाया। बुंथिगिरिया बुंदोंमोनदि, बे जाथायनि सायाव नायबिजिरनायखौ जागायगासिनो दड, आरो दायनिगिरिफोरखौ थाबैनो दिहुन्नाय जागोन। मख'जाथावदि, बै समनि सिजेपि निसारनि दैदेन्यायव गोजौंसिन बिजिरसालिनि

बेन्सआ 2017 मायथाइयाव पनामा पेपर्सनि केसआव गाहाय मन्थि नवाज शरीफखौ रोग'थि गैये फोसावदोंमोन। बेनि जाहोनाव शरीफआ गाहाय मन्थि महरै बिबान एंगारदोंमोन। पि.एम.एल.-एन. सुप्रीम आरो बारग'गाहाइ मन्थि नवाज शरीफआ ब्रिटेनआव 4 बोसोर थानायनि उनाव अक्टबराव पाकिस्तानाव फेफिन्दोंमोन। बिथाड 4 बोसोरनि उनाव हादराव फेफिन्दोंमोन आरो बिबानगिरिया बुंदोंमोनदि, गुबुन हादरनि बाहागो लानायखौ नेवसिनो हाया। बुंथिगिरिया बुंदोंमोनदि, बे जाथायनि सायाव नायबिजिरनायखौ जागायगासिनो दड, आरो दायनिगिरिफोरखौ थाबैनो दिहुन्नाय जागोन। मख'जाथावदि, बै समनि सिजेपि निसारनि दैदेन्यायव गोजौंसिन बिजिरसालिनि



बांदों आरो हादरनि दैदेनगिरि किम जं उनआ गले-गले परमाणु हाथियार बाहायनायनि हुमखि होबाय थारों। बबेखानि गोबां गुबुन हादरनि रोगसाफोरा

बुडेदि, सा करियाआ दासिमबो गोहो गोनां उन्दासा मिसाइलफोर मोन्ने हायाखै। सा करियाआ समबारखालि 5 दाननि उनाव गिबिसिन गेजेर हादरमायारि

बेलिस्टिक मिसाइल आन्जाद नायदों। सा करियाआ गावनि गुन्दासा हाबाफारिखौ बांहोनो थाखाय बावैसो जालानाय आमेरिका-खोला करियायनि

चीनआव बांग्रिजों ख'हा जानांनयफोरनि थाखाय आरोबाव मोनसे गोदान जेंना सोमजिदों

बेइजिं, 21 डिसेम्बर: बांग्रिनि जाहोनाव चीननि थासांरिया गांजिसिन जालांनो हमदों। बेयाव गोबां सुबुंफोरा जिउ गोमानांबाय आरो गोबां सुबुंफोरा गोहोम गोम्लैदों। बेनि रैखाथिनि हाबारिया जोबोद दुखु-खस्थ'जों सोलिंगासिनो दड। बे समावनो चीनआव गिबि बांग्रिनि जाहोनाव ख'हा जानांनयफोरनि थाखाय आरोबाव मोनसे गोदान जेंना सोमजिदों। खौरांनि बायदिब्ला, गुसुआ बोथोरा चीनआव बांग्रिजों ख'हा जानांनयफोरनि थाखाय मोनसे गिदिर जेंना सोमजिदों। सा-सोनाब चीननि गोथौ हाजोआरि ओनसोल्लाव बांग्रिनि जाहोनाव ख'हा जानायनि उनाव गुसुआ सुबुंफोरनि थाखाय मोनसे जेंना जादों, जायफोरा अरायथा नडि बादफोराव आस्रय लादों। बांग्रिनि जाहोनाव जानाय ख'हा जानायनि गेजेराव फारसेथिं गाव गावनि आंगोफोर खोमानांनयनि दुखु मोन्नांदों। बेराफारसेथिं गावसोरनि



जिउखौ माबोरै लामायाव लाबोफिन्नो हायो बेयो खहा जानांनयफोरनि थाखायबो सान्नांगो आयदा जानांनै फेदों। आधिखालाव रैखाथि होनाय खामानिया गोखैये सोलिंगासिनो दड। बे बांग्रिनि जाहोनाव सा 135 सुबुंफोरा जिउ गोमाबाय आरो सा 900 नि बांसिन सुबुंफोरा जोखोम जादों। जोखोम जानायफोरनि बांसिनानो गानसु राइज्योनिमोन। गुबुन गोहोम गोम्लैनाय सुबुंफोरा खाथिनि किंहाइ राइज्योनि। मा लियानकियां मुनि सासे सुबुंआ गावनि बिसिनि गोथै सह'नि साखाथियाव गंसे टेन्ट बायदि अरायथा नडि थाग्रा खुलियाव

कम्बलजों खोबधेनायै गसना थारों। बिथानि लोमजानाय बिसिया मोजां जोथोन लानो थाखाय गावनि बिमानि न'आव थारोंमोन नाथाय बांग्रिजों भुगिनांनयनि जाहोनाव जिउ गोमानाडे। लियानकियां आरो बिथानि नख'रनि गुबुन सोद्रोमाफोरा यांगवायाव गावसोरनि न'खौ गोबां ख'हा खालामनायनि उनावबो थाना थारोंमोन, जाय गानसु रायजोआव दं। बिनि बिफाया लियानकियांनि फिसान्जाखौ बायखोन्दा बाहागोनिफ्राय दिहुन्दोंमोन। बिथानि बिबथैया बुंदोंमोनदि, बियो बांग्रिनि जाहोनाव आरो फिन न'आ

बायनो हमदोंमोन। चेंगमिंआ बुंदोंदि, जों गिदोंमोन आरो जों बयबो बायजोआव ओंखारलांदोंमोन। ओनसोलारि मावख'गिरिफोरा बुधबाराव मोनसे खौरां जथुम्मायाव बुंदोंमोनदि, गानसुआव फ्राय 15,000 न'फोरा बायदोंमोन आरो 87,000 निबो बांसिन सुबुंफोरखौ रैखाथि बादायाव लांनय जादोंमोन। बिदुड लाथिख'नि गाहायाव थानायनि जाहोनाव गोबां सुबुंफोरा ओनसोलाव फसनाय आस्रयफोराव हर थारोंमोन। साहा किंघइआव नागिराफोरा मोनसे ओरैबायदि जायगायाव सा 12 गोमानाय सुबुंफोरखौ नागिरासिनो दंमोन, जेयव गैने गामिफोरा हा गिसिखानायजों सिलिंखार जादोंमोन। गिबियाव गोमानाय सुबुंफोरनि अनजिमाया सा 20 नि बाडइमोन। रायजोआरि फोसावग्रा सि.सि.टि.भिनि बायदिब्ला, ओनसोलाव थैनायनि अनजिमाया बांनानै 22 जाबाय।

कलकातायाव दाव बेदरनि बेसेना किल 'फायाव 60 रां बारायदों

कलकाता, 21 डिसेम्बर: कलकातायाव थानाय 10 सानाव दाव बेदरनि बेसेना किल 'फायाव 60 रां बांदों। बेयो सरसनस्त्रा सुबुंफोरनि जेंनाफोरखौ बांहोदों। गोनांथार बेसादफोरनि बेसेनखौ सामलायनो थाखाय दाजानाय टास्क फर्सनि सासे सोद्रोमानि बायदिब्ला, कलकातानि खुस्त्रा हाथाइफोराव दावनि बेसेना सरसनस्त्रा किल 'फायाव 220 निफ्राय 230 रॉनि गेजेराव थारों। बबेखानि सप्ताहसे सिगां दावनि बेसेना 160 रॉनिफ्राय 170 रॉ किलग्रामनि गेजेरावमोन। गेजेर थाखोनि बाहायगिरिफोरनि थाखाय बे बाडय बेसेननि जाग्रा आदारनि बेसेन बांनया थारैनो टास्क फर्सनि सोद्रोमाफोरनि थाखाय जेंना जादों। टास्क फर्सनि सोद्रोमानि बायदिब्ला, गोजां बोथोर जागायनायजों



लोगोसे सहरनि गुबुन गुबुन जायगाफोराव जिउसानि गाग्लोबनायनि जाहोनाव दाव फार्मफोराव दावफोरनि थैनायफोरा बांसिन जादों जाय सहरनि खुस्त्रा हाथाइफोराव दाव बेदरनि जगायनायाव हेंथा होदों आरो बेसेनखौ बांहोदोंमोन। टास्क फर्सनि सासे सोद्रोमाया बुंदोंमोनदि, सरसनस्त्रायै सोनाव बेंगलआव दानफ्रोमबो दाव बेदरनि गोनांथिया 3.5 लाख

किलग्राम जायो, जाय बोसोरनि जोबनायाव पिक्निकनि जाहोनाव गोजां बोथोर सौफेनायजों बांलाडे। नाथाय बे बोसोराव जिउसाजों सोमोन्दो थानाय दावफोर थैनायनि जाहोनाव गोनांथिया बांदों जायनि जाहोनाव थोजासे जगायनाय जायाखै। दाव फार्मजों सोमोन्दो थानाय रोंग'साफोरा बुडेदि, जुदि जिउसानि गाग्लोबनायनि

जाहोनाव दाव फार्मफोराव दावफोरनि थैनायनि केसफोरा बांगोन अब्ला बेनि गोहोमखौ नुनो मोनगोन। दावफोरनाव जिउसानि केसफोरा गोखैये बांलाडे। बेयो गिबि थाखोआव बेसेनखौ बाडय खालामो नाथाय उनाव जगायनाया बाडय जानायनि जाहोनाव बेसेना बांलाडे। जुदि थासांरिया आरोबाव गांजिसिन जायो अब्ला बेसेननि सायाव गोहोम गोम्लैनायखौ गुबुन रायजोफोरावबो नुनो मोनगोन। दाव बेदरनि अनगायैबो, दावदैनि बेसेनाबो बांदों, जाय गेजेर थाखोनि बाहायगिरिफोरनि जेंनाखौ बांहोदों। सहरनि खुस्त्रा बाजारव दैसे दावदैनि फान्नाय बेसेना 8 रां, जाय दानसेनि सिगां 5.50 रांमोन।

क्लाब वर्ल्ड कापनि फाइनालाव सिटिआ फ्लुमिनेन्टसनि हेँथायै सेलेन्सआव ऑखारगोन

जेहाह, 21 डिसेम्बर: इलिस प्रिमियर लीगआव गाञ्जिथै दिन्थिफु'नायनि थाखाय जिंगायाव गोलेनाय मन्वेस्टर सिटिआ क्लब वर्ल्ड कापनि फाइनालाव जायगा आवगिनो हागोन। मन्वेस्टर सिटिआव जापाननि क्लब उरावा रेड डाइमन्डसखौ 3-0 गल स्करआव फेजेन्दी। हालेन्ड आरो केभिन डि ब्रुइन् बादि स्टर गेलेगिरिफोरनि अनगायै गेलेनाय सिटिआ सेमिफाइनालाव देरहानाय समाव जे'नायाव गोरलैयाखै। शुक्रबारखालि क्लब वर्ल्ड कापनि फाइनालाव सिटिआ ब्राजिलनि क्लब फ्लुमिनेन्टसनि हेँथायै गेलेगोन। फाइनालावबो जोखोमनि थाखाय हालेन्ड आरो डि ब्रुइन्आ बाहागो जानो हानाय नला। गिबि हाफनि स्टेपेज समाव सिटिआ मेरियास हयब्राटेननि सुइसाइड गलजो आवगायनो हादो। नाथाय नैथि हाफनि जागायजेन्नायावनो बे टीमआ 7 मिनिटनि गेजेराव गरनै गल सोनानै देरहानायखौ रोखा खालामदो। बे गलखौ मेथ्यु क भासिस आरो बारनान्ड सिल्भाआ 52 थि आरो 59 थि मिनिटआव सोदो। क्लब वर्ल्ड कापआव इउरपनि सेम्पियन टीमआ माल्बाबाबो एसियानि क्लब सेम्पियन टीमजो जेनफे राखै बेबादिनो मंगलबारआव जालानाय मेचआबो बेबादिनो जालाडो।



सिटिनि कच पेप गार्डियालाआ क्लब वर्ल्ड कापनि बिमुं देरहायोब्ला बेखौ गावसोरनि दिननि थाखाय जर'खा जागोन फोरमायो। इपिएलआव थांनाय खेब 6 मेचआव खेबसेल'मेच देरहानाय सिटिआ इन्टरनेसनेल लेभेलआव मोजाडे दिन्थिफुंदो।



सेम्पियन्स लीगनि ग्रुप मेचआव दासिमाव खेब 6 मेचआवबो देरहादो। सिटिआ सोलिफु बोसोराव सेम्पियन्स लीग, इपिएल, एफए कापनि अनगायै इउएफा सुपार कापनि बिमुं देरहादो। शुक्र बारखालि फ्लुमिनेन्टसनि हेँथायै

देरहायोब्ला बे बिमुड सिटिनि थाखाय बोसोरनि बाथि बिमुं जागोन। क्लब वर्ल्ड कापआ 2005 आव जागायदोमोन। नाथाय थांनाय खेब 19 सिजनआव खेब 13 फाइनालाव इउरप आरो खोला आमेरिकान टीमफोरनि गेजेराव जादो। नाथाय फिफाआ फे'गौ बोसोरनिफ्राय क्लब वर्ल्ड कापखौ गोदान रोखोमै खुंफुनो फोसावदो। फे'गौ 2025 नि जुन दानआव आमेरिकायाव जानो गोनां मोन 32 टीमनि क्लब वर्ल्ड कापआव इउरपनिफ्राय मोन 12 टीमफोरा बाहागो जागोन आरो एसियानिफ्राय मोनब्रै टीमनो जायगा होदो।

भिराट कहलीआ मोनसे गिदिर रेकर्ड खालामनायनि लामायाव

गोदान दिल्ली, 21 डिसेम्बर: भारत आरो खोला आफ्रिकानि गेजेराव टी-20 आरो वन्डे मेचनि उनाव आरोबाव मोनसे टेस्ट सिरिज जानो थांगासिनो। दरनै हादरनि टीमनि गेजेराव खेबनै टेस्ट मेचनि सिरिजनि गिबि मेचआ फे'गौ 26 डिसेम्बरनिफ्राय जागायगोन। बे मेचखौ बक्सिं डेबो बुंनाय जायो। टेस्ट सिरिजनि मोनसे मख'नो गोनां बाधाय बेनोदि, बे मेचआव भारतआ रहित शर्मानि केप्टेनआव गेलेगोन। गुबुन फासै भिराट कहली आरो जराप्रीट भुमराहमोनबादि गेलेगिरिफोरखौबो नुनो मोनगोन। आइसिसि वन्डे वर्ल्ड



काप 2023 नि उनाव गिबि खेब बिथांखौ फोथारआव नुनो मोनगोन। बे समाव भारतीय टीमनि बारा'केप्टेन भिराट कहलीखौ मोनसे गिदिर जास्मिन सोरजिनयाव नुनो मोनो हागौ। जायनि फारिआव बिथाडा माखासे स्टा 55.23 आव थायो। कहलीआ

हिमाचलनि काबाड्डि गेलेगिरिआ अर्जुन बान्थानि थाखाय सायख 'जादो'

गोदान दिल्ली, 21 डिसेम्बर: हिमाचलनि सिरसर जिल्लानि गिरिपार ओन्सोलनि काबाड्डि गेलेगिरि ऋतु नेगीआ अर्जुन बान्थानि थाखाय सायख 'जादो। बिथाड सोलिफु समाव भारतीय आइजो काबाड्डि टीमनि केप्टेन जानानै दड। गेलेमु मावख'नि मोनसे प्रेस कन्फारेन्सनिफ्राय होनाय बिबुंसार बादिब्ला, बे बान्थानि एवार्ड सेरेमनीआ फे'गौ 2024 नि 9 जानुवारिखालि सान्जोफुनि 11:00 रिगायाव राष्ट्रपति भवनआव खुंजागोन आरो बेयावनो गासै गेलेगिरिफोरनो बान्थाखौ



गथायगोन। ऋतुनि अनगायै भारतीय पास्ट बलार महम्मद शामीआबो अर्जुन बान्थानि थाखाय सायख 'जादो। गासै सा 26 गेलेगिरिफोरा बे बान्थानि थाखाय सायख 'जादो। ऋतुआ हारियानायाव जुलि जाहदो। बिथाड भारतीय टीमआव सासे डिफेन्डर महरे गेलेबोनानै थांनाय 10 बोसोरनिफ्राय बांसिन समाव टीमआव गोबां बिहोमा होबोबाय। सोलिफु समाव ऋतुआ इन्डियान

रेलवेआव साखि मावनानै दड। बिथानि अनगायैबो भारतीय बेडमिन्टन स्टा सान्तिवकसाइराज रेन्कोरेड्डि आरो सिराग शेट्टिआ खेल रत्न बान्थानि थाखाय सायख 'जादो। मेजर ध्यानचन्द खेल रत्न बान्थाया भारतनि देरसिन गेलेमु बान्था। जायखौ इयुथ एफेयास एन्ड स्पर्टस मिनिस्ट्रीनिफ्राय बोसोरफोमबो होनाय जायो। महम्मद शामिखौ 2023 वर्ल्ड

कापआव मोजाडे दिन्थिफुनायनि थाखाय अर्जुन बान्थाखौ होदो। बे समाव बिथाडा खेब 7 मेचआव बयनिबो बांसिन 24 उइकेट लादोमोन। अर्जुन बान्थानि थाखाय ऋतुआ सायख 'जानायनि उनाव ओन्सोलाव खुसिनि दोहौ सोमजिदोमोन। बे समाव गामियारि सुबुंफोरा बिथानि न'सिम फे'नानै गाहाम हामलायथि होफेदोमोन।

राहुल द्राबिडनि फिसाज्लाआ कचबिहार ट्रफीआव गिदिर राननि इनिंस गेलेदो

गोदान दिल्ली, 21 डिसेम्बर: भारतीय टीमनि गाहाइ कच राहुल द्राबिडनि फिसाज्ला समितआ कर्नाटकनि थाखाय कच बिहार ट्रफीआव जम्मू-काश्मीरनि हेँथायै 98 राननि इनिंस गेलेदो। बिथाड गावनि इनिंसनि समाव फारफोमथिबो स्ट्रक लागायदो। समित द्राबिडआ 98 राननि गावनि इनिंसआव खेब जिथाम 4 रान आरो खेबसे 6 रान लादो। कर्नाटकआ बे मेचआव जम्मू-काश्मीरखौ 130 राननि फारागआव फेजेन्दी। राहुलनि फिसाज्ला समितनि गोखोडे दिन्थिफुनाया सोलिफु समाव ससेल मिडियाआव गोखैयै गोसादो। मख'नो गोनादि, बे ट्रफीनि मेचआव जम्मू-काश्मीरआ गिबियै बेटिं खालामनानै 170 रानआवनो अलआउट जादोमोन। कर्नाटकनिफ्राय समितआ बाथि नम्बरआव बेटिं खालामनो ओंखारदो आरो कार्तिकेय



केपिजो ब्रैथि उइकेटनि थाखाय 233 शेयारि रान लादो। बे समाव केपिआ 175 बलआव 163 रान लानानै टप स्करर जानो हादो। कर्नाटकआ गावसोरनि गिबि इनिंसआव गेलेनाय 100 अभाआव 480/5 स्कर लादोमोन। जम्मू-काश्मीरनि नैथि इनिंसआवो थाबैनो थुंगेदो आरो बेबादिनो कर्नाटकआ खेबसे इनिंसआव 130 राननि फारागआव देरहादो। बे मेचनि माखासे सिगां राहुल द्राबिड आरो बिथानि बिसिआ फिसाज्लाखौ नायनो थाखाय स्टेडियमआव सौहैदोमोन। बे समाव माइचुरआव उत्तरखन्ड

आरो कर्नाटकनि गेजेराव मेच सोलिदोमोन। समितआ उत्तर प्र देशनि हेँथायै गेलेनाय मेचआवबो मोजाडे दिन्थिफु'दोमोन। राहुल द्राबिडआ खोला आफ्रिकानि हेँथायै जानो गोनां टेस्ट सिरिजनि थाखाय भारतीय टीमजो सोमोन्दो लाखिगोन। भारत आरो खोला आफ्रिकानि गेजेराव जानो गोनां बे मेचआ फे'गौ 26-30 डिसेम्बरनि गेजेराव जागोन। बेनि उनाव नैथि टेस्ट मेचआ फे'गौ बोसोरनि 3-7 जानुवारिनि गेजेराव केप टाउननि निउलेन्डसआव खुंजागोन।

हारियानानि आइजो रेसलार अन्तिम पंगालआ अर्जुन बान्थानि थाखाय सायख 'जादो'

गोदान दिल्ली, 21 डिसेम्बर: हारियाना राइज्योनि हिसार जिल्लानि थागिबि आइजो रेसलार अन्तिम पंगालनि थाखाय राइज्योनाडे खुसिनि दोहौ सोमजिखादो। पंगालआ अर्जुन बान्थानि थाखाय नमिनेट खालामजादो। गिबि खेब एसियान गेम्सआव बाहागो लानानै रेसलिंआव ब्रन्ज मेडेल देरहानाय अन्तिम पंगालनि बेबादि सायख 'जानाया राइज्योनाडे गोगानाय लाबोदो। एसियान गेम्सआव मेडेल देरहानाय पंगालआ बे खेबआव अलिम्पिक गेम्सआव भारतनि जानानै सनानि मेडेल लाबोनो नाजागोन। जायनि थाखाय बिथाडा मे'नाय गैयालासे थियारि जाबोगासिनो दड। 53



कि:प्रा: लिरथायारि केटेगरिआव अलिम्पिकनि थाखाय क्वालिफाइ जानाय पंगालआ अलिम्पिकआव सनानि मेडेल लाबोनायनि सिमांखौ जाफुंहेनो थाखाय सानफोमबो गावनि 6-7 घन्टा प्रेक्टिस खालामनायखौ मिथिहोदो। फिसाजोनि सिमांखौ जाफुंहेनायनि थाखाय बिफा राम निबासआ से खावसे

एकड हाखौबो फान्नादोमोन। अन्तिमनि बिफाया फोरमायनाय बादिब्ला, फिसाजोआ थांनाय 7 बोसोरनिफ्रायनो प्रेक्टिस खालामबोबाय थादो। जायनि जाउनाव फिसाजोनि नाजानायखौ नुनानै नख'रनि हाखौ फान्नानै ब्लाबो गोनांथिखौ सुफुंदो। बे समाव जे'नाजो सौसिनानै फिसाजोनि

हादोमोन।



आसाम सरकार



माहारियारि देहा मावथाथि, आसाम

मोनसे दाजाबथाइ गोर्बोबथि रोंगथि आरो मोजां फिथाइनि थाखाय 4 एनटि नेटाल केयार (एनसि) आन्जाद नायनायखौ मावफुं।

नोंथानि आरो नोंथानि गोले गथ'नि मोनसे गोमो देहा इयुननि फासै सम बायदियै एनसि आन्जाद खालामजानायजो गोनां राहाफोरखौ ला। साफोमबो गोर्बोआव थांनाय आइजोफोरा ब्रै (4) गोनांथाय एनसिखौ खालामजाहैनागोन आरो गावगावनि एमसिपि कार्डआव रेकर्डखौ रोखा खालामनागोन।

1थि भिजित:

12 सप्ताहनि गेजेराव
(गोर्बोआव गथ' थायानि सन्धे' मोन्देब्ला)

2थि भिजित:

14-26 सप्ताहनि गेजेराव

3थि भिजित:

28-34 सप्ताहनि गेजेराव

4थि भिजित:

36 सप्ताह आरो टार्मनि गेजेराव




एनसिनि समाव देहा सिबिथाइफोर

- आवुडे जास्मिन लानाय
- जोबथा सरसनसा आन्जाद खालामनाय
- उदैनि आन्जाद खालामनाय
- जिउ रैखा लेबरेटर आन्जाद
- बाहायजाथाव मुलि
- गावआरि सिगांगो जोनोम बिथांखि
- गोर्बोबथि आइजोनि थाखाय हेफाजाबारि सांग्रांथि
- टिउबारकुल 'सिच आन्जाद
- एबिएडसएनि जेनेरेसन (आयुष्मान भारत हेल्थ एकाउन्ट)
- सिनायथिनाय, जर'खा जोथोन आरो गोर्बोबथि आइजोनि खैफोद गोनां (एडसआरपिडब्लिड)खौ उनसफानाय।

नोंथानि आरो नोंथानि गोले गथ'नि थाखाय मोनसे गोमो देहा दावबायनायखौ रोखा खालाम।

बांसिन रोखायै मिथिथिनो थाखाय नोंथानि जायगानि आसा एवा एनएमजो फोनांजाब खालाम।

104 कल खालाम

देहाजो सोमोन्दो थांनाय फोरमायथिनि थाखाय

108 कल खालाम

एयुलेन्स सिबिथाइनि थाखाय

(NHM/D/2023-24/1662)